

舊唐書校勘記

舊唐書校勘記卷七

順宗紀

永貞元年

上元二年正月生於長安之東內

冊府

卷三

正月下有十二日

建中元年正月丁卯立爲皇太子

沈氏炳震云德宗紀在大曆

十四年十二月乙卯新書本紀同當從德宗紀張氏宗泰云此

蓋以改元之日當之誤按德宗紀書其詔立此紀當述其冊

立之年也

風病不能言

冊府

十一

得風疾因不能言

甲申以河陽三城

沈本作甲辰是

辛卯以吏部郎中韋執誼爲尙書右丞相

沈本作辛亥右丞作

左丞無相字據新紀改

按冊府

七十

作左丞尙書上有守字

辛酉貶京兆尹 至 尋卒 沈本在下壬戌上

日本國王並妻還蕃賜物遣之 張氏宗泰云兩書日本傳無國王並妻來朝之事而上卷貞元二十年十二月有吐蕃南詔日本國並遣使朝貢之文則此王並妻三字當爲使並南詔吐蕃使之誤而並字上下有誤及脫也

壬寅以太子侍書翰林待詔王伾 沈本作壬戌 按通鑑作壬戌

以前司功參軍 御覽百十 以下有將仕郎

檢校司空同平章事 沈本作司徒

封郊王 沈本郊作郊 臨淮郡王洵張氏宗泰云據兩本傳及

新紀洵當作詢 漢東都王泳沈本都作郡是 雲安郡王上

沈本有高平郡王澈封邵王改名約據新紀傳增按澈字誤冊

府英華皆作淑是 德陽郡王滑沈本滑作湑據新書紀傳改

十七男絢封衡王下沈本有十八男績封欽王云兩書本紀皆闕據本傳補 二十三男緄封岳王沈本作二十二以下二十四二十五改爲二十三二十四其二十七改爲二十五張氏宗泰云兩傳仍有珍王繕次福王縮下此紀二十一男下卽接二十三男是繕當爲二十二男是又中脫一人但諸王與第十弟諤十一弟誠同封而欽珍二封又同不應子弟俱封一地揆兩紀所以闕之故或後考證家致疑於兩帝子未得其實不考傳而刪之耳 按英華載封欽王等詔福王縮後有洛交郡王況封珍王改名繕而衡王下無欽王績冊府二百六十五衡王下有欽王績福王下有珍王繕沈張所增不誤然冊府載順宗諸子自鄭王經至翼王緡以經爲第二男依次序之而以翼王爲第

二十二男與紀文不同英華詔文載第十三男絢十四男纁十七男紘十八男緄十九男紳二十男綸二十一男綽封翼王亦與紀異存疑可也二十三男以下沈本遞改者非 殿本考證云順宗諸子傳絢第十二纁第十四綰第十五紘第十七緄第十八紳第十九綸第二十緄傳作綽第二十一次序與紀不同傳有蘄王緄第二十二紀不載據傳則憲宗之外順宗止二十二子無二十七男紀不知何所據也 按順宗二十七男四王早薨無官諡緄又懿宗時封故此紀亦不載

甲辰以檢校司空 張氏宗泰云據上癸未下丁亥當作甲申

大嵩璘沈本依新紀改璘作鄰元和元年同

承徽王氏趙氏 沈本丞作承張氏宗泰云作承疑是然承徽之名不見兩后妃傳仍俟考承徽爲太子宮嬪名見唐六典 按

作承是王氏趙氏乃順宗爲太子時之承徽也

昇襄州爲大都督府臨漢縣仍徙於鄧城 張氏宗泰云於文仍徙當在臨漢縣上以襄州本治襄城以臨漢上接都督府嫌於以臨漢爲州治也

六月丙申 沈氏炳震云是月無丙申誤張氏宗泰云按六月戊戌朔非丙辰卽丙寅之誤

贈故道州刺史陽城爲左散騎常侍 沈本無贈字爲字

甲子度支使杜佑 沈本作甲午張氏宗泰云據在癸巳乙未中當作甲午

恐上墜祖宗之訓 冊府二百五十九恐上有嘗字英華作常 而積

疾未復英華疾作痰

以太常卿杜黃裳爲門下侍郎左金吾衛大將軍袁滋 冊府七

三 太常上有守字左金吾衛大將軍作散騎常侍 按英華載
制文袁滋以檢校左散騎常侍兼左金吾大將軍御覽百三與
今本同

鄭珣瑜爲吏部尙書 殿本聞本唯此卷有珣字餘作鄭瑜

皇太子見百僚於朝堂 冊府二百五十九 朝堂上有東字 皇太子

於麟德殿西亭見奏事官冊府作皇太子見四方使於麟德殿
西亭

一日萬機 沈本機作幾

是用皇王至公之道 御覽百十 用下有法字是

前戶部侍郎 沈本無前字

享年四十六歲 御覽百十 無歲字

太子從容論爭 御覽百十 爭作諍

憲宗紀上

大曆十三年二月 御覽百十二二月下有十二日

六七歲時 冊府四十六下有爲皇孫 汝誰子在吾懷冊府汝是

何人乃在我懷乎 德宗異而憐之冊府作德宗驚喜繇是重

之御覽百十四無而憐二字

順宗卽位之年四月冊爲皇太子 張氏宗泰云新紀作三此書

前紀冊廣陵王淳爲皇太子亦在三月癸亥是四爲三之誤

按張說謬詔冊太子雖在三月而行冊立之禮在四月英華載

順宗冊太子文云四月庚子朔九日戊申則冊立實在四月舊

紀不誤

八月丁酉朔授內禪 沈本授作受是張氏宗泰云前紀已書丁酉

朔此三字當衍否則與前紀下詔在庚子辰

上卽位之日晴霽

御覽

百十

作是日晴霽是

始御紫宸御覽

宸下有殿字

但令准式申報有司不得上聞御覽無上句

其奇禽異獸御覽奇作珍異作奇

爲劍南東西兩川

沈本無兩字蓋據新紀

勅申光蔡陳許兩道

冊府

百五

蔡下有及字是

柳宗元貶召州刺史

沈本召作邵是下同

乙巳祔睿真皇后神主

沈本作己巳上有十一月據新紀補張

氏宗泰云己巳十一月四日按通鑑亦作十一月己巳

以其慰撫三川

張氏宗泰云三當作兩方與上書兩川合或下

川當作道亦方與兩川山南西道合

再貶撫州刺史韓泰爲虔州司馬

沈本無爲字下永州同河

中少尹陳諫台州司馬張氏宗泰云依例台州上當有爲字下

朗州饒州連州柳州同王氏鳴盛云程異傳柳作郴是 物議
罪之故再加貶竄冊府百五十二時議猶爲貸法故再貶焉

改淳州爲蠻州還淳縣爲清溪縣淳風縣爲從化縣姓淳于者改
姓于 張氏宗泰云蠻當作巒依地理志改正巒州屬嶺南道

按張說是青當作清冊府

卷三

改淳州爲睦州

睦字誤睦州未嘗名淳州

還淳縣爲清溪縣淳風縣改爲從化縣淳于姓改爲于

丙申月犯畢 沈本作丙午依新志改張氏宗泰云丙午十二月

十一日月行自昴八半至畢十太丙午乃月朔見上冬至後八
日日由斗八行八度少與月會斗十六少

充劍南東川節度使 沈本無充字凡云充某官者沈皆無充字

以後不復出

以朝請大夫

冊府

七十

請作議

同平章事集賢殿學士沈本

作同中書門下平章事 按冊府作平章事沈本所增者未必是也冊府集上有兼字學上有大字

元和元年

御含光殿 王氏鳴盛云光當作元

護軍使副薛盈軫 沈本軫作珍是

王士真同中書門下平章事 沈本同上有加字是無中書門下

劍南西川 冊府百五十二西作兩誤 遂勞王軍冊府王作三御覽

百十亦作三 遣使諭宣御覽作宣諭 類會進討御覽同冊

府作計會齊進

以度支郎中寬敬 王氏鳴盛云寬敬當作敬寬

乙丑入朝奚王梅落可銀青光祿大夫 沈本作辛丑張氏宗泰

云乙丑乙未不得同月非衍卽乙爲辛之誤 按通鑑作丁酉

梅作誨云丁酉以誨落可爲饒樂郡王則梅落可三字爲奚王
名銀青上當有脫字

以魏博田季安同平章事 沈本無以字同上有加字是

戊戌謂宰臣曰 沈氏炳震云戊戌上下字有一譌張氏宗泰云

戊戌當在癸卯前今次癸丑下而下月朔爲乙丑非戊午卽壬

戌之誤 按御覽百十亦作戊戌通鑑作戊午是 宵旰以求

民瘼舍已從人以厚下御覽無此二句 然事有綱領小大當

務知其遠者大者聞本當作常沈本小大作大小按御覽作小

大有常務其遠者大者 昔秦始王沈本王作皇是 魏明帝

欲省尙書擬事聞本擬作疑張氏宗泰云魏書陳矯傳作車駕

嘗卒至尙書門曰欲案行文書耳似疑字本衍 按通鑑云魏

明帝自案行尙書事此處文有脫誤

諸衛諸軍

冊府

五百十六

下諸字作將是

又兵部吏部禮部貢院

官員冊府作又奏吏部兵部尙書侍郎官并禮部侍郎 每舉

選限內冊府作選舉 有十月至二月冊府有作自 臣求故

實冊府求上有詢字 仕中丞日沈本仕作任是

德妃董氏卒 沈本卒作薨

以右神策行營節度 劍南東川節度 兩節度下沈本皆有使

字是

戊戌以安南經畧副使 沈本上有四月張氏宗泰云戊戌四月

五日

郇王總薨 沈本郇作邵總作約 按通鑑作邵王約

奏正衙待制官 冊府七百官下有兩員 以備問冊府問上有

顧字 請以尙書省六品以上冊府下有諸司四品已上六字

以作已 王傅等冊府王上有及字 令兩人待退朝詔於延
英候對冊府合兩人待制退朝詣延英候對

橫海軍節度使 沈本橫上有爲字是

左丞同平章事 沈本左上有尙書二字張氏宗泰云據永貞元
年八月所書尙書上仍當有守字

閏六月壬子朔 沈本作壬戌

延安郡王宥 沈本延作建張氏宗泰云穆宗本紀作建

甲子易定張茂昭來朝 沈本上有冬十月張氏宗泰云甲子十
月五日

封渤海郡王 沈本無封字

戊戌以山南西道節度使 沈氏炳震云是月無戊戌誤張氏宗
泰云據上有丙寅此當作戊辰

己巳以簡王傅 沈本作乙巳簡作雅張氏宗泰云己巳在庚寅
前二十日而在丁未上非己亥卽乙巳之誤又云雅王于貞元
十五年薨不應此年仍有傳簡王名邁建中四年改封元和四
年薨是簡字不誤

甲申以武靈軍節度 沈本作戊申張氏宗泰云據上丁未下庚
戌當作戊申

東畿汝防禦使 沈本汝下有都字以後不復出

十二月丙申朔 沈本作庚申

新羅渤海牂柯 沈本柯作牂後同

二年

上親獻太清宮太廟 按太廟上有脫文冊府二十七俱云庚寅
朝享於太廟

河中晉絳等州節度使 沈本無等州凡云某等州節度使者沈皆無等州後不復出

己卯以戶部侍郎 沈本作己酉依新紀改張氏宗泰云己卯正月二十一日

武元衡爲門下侍郎同平章事 沈本無下四字而於李吉甫下同平章事作並同中書門下平章事御覽百十四與今本同

己己起疑舍人鄭隨次對 冊府百七己己下有宰臣延英罷對面受進止冊府面上有詔字 令宣與省供奉官沈本省上有兩字冊府宣下有付字省上有兩字

丁丑寒食節 冊府百九丁丑下有以字

始置百官待漏院於建福門外 冊府百七百官初入待漏院候

禁門啓入朝 據斑品置院冊府院下有於建福門外

及促錢人 沈本促作捉是

置元化門晨耀樓 冊府十四 別開門曰元化樓曰晨輝

狄仁傑後 聞本後作桓沈本作曾孫張氏宗泰云桓當作孫他本
作曾孫侯考

中書奏先停諸道奏祥瑞 沈本書下有省字

沒蕃僧惟良闡等 冊府百四十七 無惟字

十月己酉以浙西節度使 沈本作冬十月己未張氏宗泰云疑
乙卯之誤卽十月朔也否則酉當爲未庚申前一日 按通鑑

冬十月己未詔徵錡爲左僕射

未忍發明 冊府百二十二 發明作明言

以淮南節度使王諤 沈本諤作鏐是

仍封臨淮郡公 沈本無仍字

潤州大將張文良 沈本文作子是下同

削錡屬籍 沈本削上有詔字

朕覽國書見文皇帝行事少有過差 冊府百二朕近讀貞觀政

要粗見當時之事以太宗神武每有一事少涉過差 諫臣論

諍冊府作羣臣進諫者

東都國子監增置學生一百人 按冊府五十所載同冊府又載

元年正月丁卯詔國子祭酒司業及學官并先取朝廷有德望

學識者充東都國子監諸館共置學生百員此既云增置則元

年初置亦當載矣

所由指麾 沈本麾作揮張氏宗泰云影朱本作摘

史官李吉甫 冊府四百八十六吉甫下有等字 撰元和國計簿冊府

簿下有十卷 凡四十八冊府作凡四十九道 戶二百四十

四萬二百五十四冊府作見定戶二百一十四萬五百五十四
不申戶口冊府不上有並字口下有數字 一百四十四萬
戶冊府無下四字 天下兵戎王氏鳴盛云戎當作戍 八十
三萬然人冊府然作餘張氏宗泰云影宋本作餘 徵科發歛
冊府發作妄

三年

涇原段祐 沈本祐作佑 在涇州北九十里冊府九百九十三 在作
直北上有西字

二月丙申 沈氏炳震云是月無丙申誤張氏宗泰云二月癸丑
朔無丙申

己丑以武昌軍節度使 沈本作乙丑張氏宗泰云據下辛未非
己未卽乙丑之誤 浙江觀察使沈本作浙西是

癸丑以鄜坊節度使 沈本作癸酉張氏宗泰云據上辛未下丙子當作癸酉 爲興元府沈本府作尹是

以定平鎮兵馬使朱士明 聞本作宋仁僊誤下同張氏宗泰云據朱忠亮傳當作朱士明

御宣政殿試制科舉人 冊府六百四十四制作四

裴均爲尙書省都堂上僕射 沈本爲作於是 其送印闕呈孔

目唱案授案皆尙書郎爲之張氏宗泰云目上行孔字會要作送印及呈孔目疑亦誤 按會要不誤

所營將士 沈本營作管是

六月戊辰詔以錢少 沈氏炳震云戊辰字上下有一譌張氏宗泰云戊辰不得在癸酉前非丙辰卽戊午之誤

並受官西原蠻酋也 冊府百六十五受作授官下有少卿二字俱是

歸鎮武節度使范希朝 沈本鎮作振又云希朝是時鎮朔方非
振武當作朔方張氏宗泰云希朝傳憲宗卽位充朔方靈鹽節
度使下接突厥別部有沙陀者云云與此紀合是振武當爲朔
方之誤 按通鑑作靈鹽節度使范希朝

涪州復隸黔中道 張氏宗泰云新志涪州屬山南東道而不敘
復隸黔中之年此書地理志山南東道脫涪州惟於荊州襄陵
府下云上元元年置南都割黔中之涪湖南之岳潭衡郴邵永
道連八州增置萬人軍以永平爲名新志作永安於復隸黔中道亦
不終言之唯會要七十一有涪州元和三年七月復以涪州隸
黔中道與此紀合可補兩志之闕

襄州長史 沈本作刺史是

河南尹 沈本南作中是

等爲王 沈本無等字爲下有南詔二字是

四年

夏四月丙子朔 殿本考證云三年十二月是歲淮南江南江西
湖南山東道旱下接夏四月明闕四年春至三月事矣因原文
所少仍其舊張氏宗泰云此紀所書必多於新紀安得善本補
之 按冊府各門所載有四年春三月及閏月事今以冊府所
載參以新紀通鑑條列於後俾讀者有所考見焉

正月戊寅朔御含元殿受朝賀禮畢百官詣興慶宮賀太后

冊府卷

一百七

壬午免山南東道淮南江西浙東湖南今歲稅

新紀

戊子簡王邁薨

新紀通鑑

以左司郎中鄭敬使淮南宣歙吏部郎中崔芑使浙西浙東

司封郎中孟簡使山南東道荆南湖南京兆少尹裴武使
江西鄂岳等道宣撫行日並召對告之曰朕宮中用度一
匹已上皆有簿厯唯拯救百姓則不計費焉卿等今者賑
卹災旱當勤於奉職勿如潘孟陽所到務飲酒遊山寺而
已仍許卿等以便宜從事冊府五
百十八按通鑑所載與冊府
畧同通鑑作庚寅

正月詔自今以後諸司應決死囚不承正勅並不在行決之
限如事迹兇險須速決遣并特勅處分者宜令一度覆奏

冊府百
五十二

二月丁卯制門下侍郎同中書門下平章事鄭綱可太子賓
客詔載全文冊府三百
三十三新紀丁卯鄭綱罷

以朝散大夫守給事中李藩爲守門下侍郎平章事賜紫金

魚袋

冊府七十三

新紀通鑑俱載

二月以文宣王三十八代孫惟昉爲兗州都督府參軍

冊府五十一

三月乙酉以鳳翔節度使李鄜爲河東節度使

通鑑

成德軍

節度使王士真卒其子承宗自稱畱後

新紀

通鑑有

閏月己酉以旱降京師死罪非殺人者禁刺史境內權牽諸

道旨條外進獻嶺南黔中福建掠良民爲奴婢者省飛龍

廐馬己未雨

新紀

丁卯詔鄧王竇宜冊爲皇太子

冊府二百五十七

新紀丁卯立鄧王

竇爲太子通鑑同此月詔立下十月庚寅始冊立也

辛未靈武

當作

節度使范希朝奏請於太原防秋官健中以

六百人衣糧充給沙陀突厥從之

冊府四百八十四

通鑑以此事

載於閏月辛未冊府作三月誤

宜編附屬籍 冊府百三十三詔載全文

以右衛上將軍王泌 沈本泌作泌

五嶺已北 冊府四百九十三五嶺上有勅字是

御制前代君臣事跡十四篇 冊府四十載此事爲詳一曰君臣

道合二曰辨邪正三曰戒權幸四曰戒微行五曰任賢臣六曰

納忠諫七曰慎征伐八曰慎刑法九曰去奢泰十曰崇節儉十

一曰獎忠直十二曰修德政十三曰諫改獵十四曰錄勳賢

壞廬舍二百餘戶溺死六百人 御覽百十四戶下有口字

安南都護張舟 御覽百十四舟作丹誤通鑑作舟

以神策左軍中尉 冊府百二十二以左神策護軍中尉左衛上將軍

詔軍進討 沈本軍上有諸字是 士直墳墓沈本作士真是

其士平士則各守本官仍令士則各襲武俊之封 冊府百六十五

其王士平士則並宜各守舊官其武俊實封仍特賜士則承襲
舊紀下各字誤

陝府長史 沈本作陝州刺史

爲河南尹中丞 沈本中丞上有御史二字 諸道鹽鐵轉運沈
本運下有使字

五年

宰相杜佑與同列宴於樊川別墅上遣中使賜酒饌 冊府百九
上已節賜宰臣讌於杜佑莊命中使以酒饌就賜之

癸巳以太子賓客鄭絀 沈本作癸丑張氏宗泰云據上乙巳下
己未改作癸巳

以中州刺史 沈本中作申

戶部尙書李元素卒 按戶部上當有前字冊府百五三月戶部

尚書李元素免官以出妻無狀故也

奏破賊於木刀溝 沈本刀作刁下同按通鑑作木刀新志有民木刀居溝旁因名之

壬申以昭義都知兵馬使 沈氏炳震云壬辰上下字有一譌張氏宗泰云據上丁亥下戊戌當作壬辰

段祐卒 沈本祐作佑

應給食實封例 冊府七百戶部侍郎判度支李夷簡奏應給食實封官自貞元十三年已後 每百戶給百匹冊府給下有四字百下有端字

王承宗遣判官崔遂上表自首請輸常賦 冊府百七十六上表下有二封二字下句作乞自首兼請吏員輸其常賦 其賜物二十八萬沈本無其字

幽州劉濟

冊府

百七十六

上有加義武張茂昭事

八月乙巳朔

沈本作己巳

出於道家所宗老子五千文爲本

御覽

百十四

重道家二字

與

經無異御覽經上有六字

後代好怪之流御覽後作前

假

托老子神仙之說御覽老子下有爲字

載男女沈本載下有

童字御覽

百十四

有童字

四海樂推聞本推誤雅張氏宗泰云

雅當作愷非也御覽正作推

起復受幽州長史

沈本無受字

可守禮部尙書

沈本無可字

守本官起居王氏鳴盛云起居

下當有郎字

以中丞王播

沈本上有御史二字以後不復出

繪王纁卒

沈本卒作薨

至是歸朝故也丙寅吏部郎中柳公綽獻太醫箴上深喜納遣中使撫勞之張氏宗泰云按遣中使六字當在歸朝故也下若喜獻箴或別有以賜之而於撫勞不合錯簡無疑

兼揚府長史沈本府作州是聞本作揚州府亦誤

六年

丙寅朔丙申以彰義軍畱後沈本作丙申朔無下丙申張氏宗泰云下有庚申此書多於書朔後別書日丙申當作丙辰非衍按冊府四十丙申朔御含元殿受朝賀下丙申當作甲辰通鑑甲辰以彰義畱後吳少陽爲節度使張說非

勅諫議大夫孟簡冊府五十勅上有丁巳於豐泉寺冊府作醴

泉佛寺

集賢殿大學士冊府七十集上有兼字

爲陝府長史 沈本府作州

河東舊使錫錢民頗爲弊宜於蔚州置五鑪鑄錢 張氏宗泰云

元和郡縣志錫字作鐵而志作元和七年宜當作詔 按冊府

五百 六年三月河東節度使王鐸奏請於當管蔚州界加置鑪

鑄銅錢漸廢錫錢詔河東道自用錫錢以來百姓不堪其弊云

云元和郡縣志誤河東上當有詔字

鹽鐵轉運使 沈本鹽鐵上有諸道二字張氏宗泰云據下王播

所書銜當有諸道

趙宗儒刑部尙書 沈本儒下有爲字是

江淮河嶺已南 沈本河作五張氏宗泰云會要八十七作江淮

河南嶺南下又有峽中二字 六百九十八萬五千五百張氏宗

泰云會要無五千五百

其間有職出異名奉離本局 張氏宗泰云於文當言職異名奉
出離本局而奉似仍誤 按英華作有職局重出名異事離英
華載吉甫汰冗吏奏其文與舊紀多異有此詳而彼反畧者俟
考

有至九十貫者 沈本十作千是通鑑作九千緡冊府七百作九
千貫

以太子詹事李藩 沈本藩作蕃

越州義成軍 沈本成作勝張氏宗泰云新地理志作勝 洪州

南昌府沈本府作軍

自秋霖澍 冊府四百九十一澍作霽 每年所配折糶粟冊府糶作

糶 於百姓有粟冊府於作如 宜令所在貯納度支支用冊

府作宜令逐近貯納仍委度支隨便支用 令百官據數王氏

鳴盛云校本百官作自按英華亦作百官 通計所損便與除
破冊府作宜令所司據收元數狀便與破損 各勉忠孝冊府
孝作效

鎮國軍等使 沈本無等字

右衛上將軍伊慎卒 沈本上作大張氏宗泰云據上五年十一
月庚子慎降爲右衛將軍是將上不得有大字也上字爲衍文
無疑

憲宗紀下

七年

詔以去秋旱歉賑京畿粟三十萬石其元和六年春賑貸百姓粟
二十四萬石並宜放免 冊府四百九十一制京兆府欠去年兩稅
青苗等錢二萬一千八百貫欠秋稅雜斛斗及職田粟五萬三

千三百石並宜放免元和六年春賑貸京畿百姓義倉粟二十
四萬石亦宜放免

量別支給

冊府

百六

作別給錢物

里閭寬恤

冊府

五百

恤作息

各隨所見利害狀以聞冊府見

下有作字

以旱敕諸司疏決繫囚

冊府

百四

以旱故詔京畿內禁囚徒據

罪輕重宜疏理決分

繼言歉旱

御覽

百十

繼上有相字

此正當姦佞之臣御覽臣

作曰

仍殺三庫吏百餘人

沈本三作主是

乙丑以兵部員外郎

沈本乙丑上有秋七月張氏宗泰云乙丑

七月九日

乙亥制立遂王宥爲皇太子改名恒 冊府二百五十七恒下有仍令

有司擇日備禮冊命十月壬寅帝卽當作宣政殿冊皇太子舊

紀無十月冊立事

仍冊彥昇妻眞氏爲妃 沈本眞作貞

廢蓬州宕渠縣 張氏宗泰云此書地理志宕渠下止作三年移

治羅獲城而新志宕渠下注云寶曆元年省入蓬山大中中復

置會要七十一亦云寶曆元年八月以宕渠縣合入蓬山縣則

省年不在元和矣按此紀所書正在八月與會要合當是錯簡

未正

諸使府參佐檢校官 聞本官上有式字張氏宗泰云式字誤當

作等他本刪之恐非 按式當作試冊府六百三十一載是年八月

中書門下奏云諸司府參佐簡較簡較卽試官官上有試字

經三十箇月外任餘轉改餘官沈本上餘字作與轉改作改轉
因田興入衙兵環而刼請興頓仆於地軍衆不散興曰欲聽吾命
勿犯副大使 冊府百七十六興質明入衙兵衆數千環附興興驚
遽頓仆於地其衆連呼不敢興揚言曰欲聽吾命且勿犯副大
使

龍州武安縣 冊府五縣作川川下有畚田中三字 有麟食
之冊府食之下有復生二字 麟之來下冊府有一鹿引之
爲河西觀察使 沈本河作江

丙辰左拾遺 沈本作丙申張氏宗泰云十二月丙戌朔不得有
丙辰據下有戊戌此當作丙申

八年

進所撰元和郡國圖三十卷 又爲十道州郡圖五十四卷 張

氏宗泰云新本傳元和郡國圖作五十四卷而志圖下有誌字
十道州郡圖止作十卷是兩卷數互誤而十上又衍二字

甲子以劍南西川節度使 沈本上有三月依新紀補

以邕管經畧使房啓 沈本邕作容下同張氏宗泰云地理志容
管治容州志不言邕管所治以容管例之當治邕州二管不同
治據下十一月丙戌所書亦同是桂管由邕管轉也他本所改
非是 按張說誤房啓由容管轉桂管崔詠由邕管改桂管各
不同此當以沈本作容管爲是

令兩常平倉收市布帛 冊府五百無倉字

舉宰相杜黃裳 沈本舉作與是

庚申河中尹張宏靖 沈本上有五月張氏宗泰云庚申五月九

日

時積雨延英不開十五日 冊府五十時上有以字英下有開字

開下有者字 每三日雨冊府每下有至字

出宮人二百車任所從適以水災故也 冊府四十命出宮人二

百車許人得娶以爲妻以水害誠陰盈故也 冊府作七年誤百四十四作八年不

誤通鑑夏六月大水上以爲陰盈之象辛丑出宮人二百車沈

本所從作從所御覽百十作任從所適

命中尉彭中獻修興唐觀 沈本亦作興唐他處又作唐興冊府

五十命中尉彭忠獻師當作師徒三百人修興唐觀

罰郎官啓亦卽降之 張氏宗泰云句疑有誤或作啓亦卽子降

景辰 唐人諱晒丙辰亦作景辰後人多改之此其僅存者沈本

亦改作丙辰

如違長吏必當科罰 冊府百六如更違犯必當科懲如長吏不

存勾當委御史臺密訪聞奏 按紀文似有脫落

爲右衛 沈本衛下有將軍是

太常習樂始復用大鼓

冊府

五百六十九

下有先是德宗自興元以

還闕輔有李懷光吐蕃之虞而又都中屢驚初令習樂者去大鼓及是太子少傅判太常卿鄭餘慶奏復之

己丑癸惑近太微西垣南首星

沈本作乙丑張氏宗泰云十月

有己丑不誤然此乃下十一月丙寅上錯簡他本改己作乙是但仍在庚辰庚寅之中作十月非乙丑十一月十六日冬至前五日癸惑前遲二十四日由張十六太行十度當日宿斗三西一百七度少在翼九太是丑上己字誤也

爲岳鄂沔斬 沈本作斬沔

汴州劉宏進所撰聖朝萬歲樂譜 冊府樂下有等曲二字劉作

韓沈本作韓宏是

己巳以宗正少卿 沈本作癸巳張氏宗泰云據上壬辰下戊戌

當作癸巳

以神策普潤鎮使 冊府五百五十三神上有左字策下有軍字 司

封員外郎冊府封作門 守本官下冊府有落職二字

壬辰振武奏 沈本作壬寅張氏宗泰云壬辰不得在戊戌庚戌

之中

奏諸軍就食於臨洛 冊府四百八十四奏請以其衆鎮於臨洛就食

京畿水旱霜 張氏宗泰云影宋本霜下有隕字

請立德妃郭氏爲皇后 沈本德作貴按通鑑作德妃

九年

正月己酉 沈本酉下有朔字

丁丑貶前鎮武節度使 沈本鎮作振是又云是月無丁丑誤張

氏宗泰云據下丁酉推之此當作丁亥 按通鑑亦仍舊文作

丁丑

丁未詔以歲饑 沈氏炳震云丁未上下字有一誤張氏宗泰云

丁未不得在丁酉前當作乙未

授書與吏部 張氏宗泰云與當作於

詔賜太師咸寧王 沈本賜作贈是

庚申移宥州於涇原軍郭下隸夏州觀察使 聞本涇原作涇畧

張氏宗泰云涇字誤而他本遂改作涇原尤誤當作經畧新地

理志宥州云元和九年於經畧軍復置 按張說是也冊府

九十 勅天寶中宥州寄理於經畧軍寶應已後因循遂廢宜於

經畧軍置宥州仍爲上州在郭下置延恩縣爲上縣屬夏綏銀

觀察使通鑑同涇原當作經畧

充義武軍節度使易定觀察使 沈本無二使字是

天德軍豐州二受降城 沈本無軍字豐州下有西中二字聞本

二受降城作西城申城張氏宗泰云申當作中

以左丞孔戣 沈本左丞上有尙書二字

制河中晉絳慈隰等州節度使 冊府七十制下有以字餘同沈

本作制河中節度使非

乙未以御史大夫趙宗儒 張氏宗泰云在戊辰前當作己未

晉絳等州節度使 沈本等州作慈隰

乙丑月掩軒轅 沈本作己丑據舊書天文志改

集賢大學士 沈本集上有兼字賢下有殿字

賜旗甲與方鎮同 冊府六十賜上有必字同上有畧字

振武靈勝等軍節度使 冊府百二靈作麟無等軍沈本同

守尚書右丞 冊府七十作左丞按通鑑亦作右 上騎都尉冊

府作上輕車都尉

十年

守司徒平章事並如故 沈本平章上有同字無並字

桂管奏移富州治於故城 張氏宗泰云移治不見兩志唯會要

七十一嶺南道富州下有元和十年正月桂州觀察使奏請移

歸舊城於始移之年亦未詳

爲華州潼關防禦鎮軍等使 沈本華州下有刺史鎮下有國字

爲章州刺史 沈本章作漳是

以永州司馬 沈本無以字是

崔邠禮部尚書 沈本邠下有爲字

李光顏破賊於南頓 沈本上有夏四月據新紀補張氏宗泰云
新紀上有甲辰四月三日 按通鑑有甲辰亦脫夏四月

防院兵五百人 沈本防作坊

故以兼管寵之 沈本管作官是

大破賊黨於洞曲 沈本洞作時無黨字按通鑑亦作時曲

敢有蓋藏 張氏宗泰云影宋本作敢有藏匿者 按冊府六十

蓋藏作藏匿 乃積錢三萬貫於東西市冊府作二萬貫是上

有賞錢萬貫之文故東西市各置錢萬貫作三非 公卿節將

複壁重轍者冊府節將作家有是通鑑亦作公卿家

乃捕得張晏等八人誅之 張氏宗泰云新書武元衡傳作十八

人 按通鑑亦作八人

兼刑部侍郎 張氏宗泰云新紀作爲中書侍郎 按冊府七十

作兼尙書刑部侍郎

爲荊州刺史 沈本荆作涇

丙寅訶陵國遣使 沈氏炳震云丙寅上下字有一譌

詔發振州兵 沈本州作武是

凌鑑按此條在詔出條後

詔出內庫繪絹五十五萬匹

冊府四百八十四

作五千萬匹

十二月壬寅夜太白犯鎮星 沈本作壬辰誤壬寅十二月五日

張氏宗泰云此條有誤或卽十二年二月鎮星太白辰星聚於

危之誤而新志在十一年十二月亦誤詳見天文志疏正

請募置三河子弟 沈本作山河 按通鑑作請募山棚

新造指南車記里鼓 沈本鼓下有車字

出宮人七十二人 冊府七十出上有詔字二作三

十一年

翰林學士錢徽蕭俛

冊府

五十

翰林學士中書舍人錢徽鵞部

郎中知制誥蕭俛

金吾將軍士卒

沈本卒作平是

甲子李光顏奏破賊

沈氏炳震云是月無甲子誤

南詔蠻酋晟龍盛卒

聞本晟字作蒙張氏宗泰云本傳龍在蒙

上新書本傳作勸龍晟按南詔俱父子以名相屬勸龍晟爲尋

閣勸之子則依新書作勸龍晟是而蒙爲王姓龍在蒙上亦非

他本又以蒙作晟亦非

按冊府

九百六十五

作龍蒙盛是

設次於中書

沈本書下有省字

勝負兵家常勢

冊府

五十

勝負作夫一勝一負冊府載全文此

有所刪節

隨鄧州觀察使

沈本無州字

以隨州刺史 冊府百二隨作徐

爲吏部侍郎 冊府三百三十三爲作守

辛未貶吏部侍郎 沈本作辛已張氏宗泰云辛已九月十九日

爲陝州刺史沈本無爲字以下諸爲字並無

充山南西道節度使 沈本無充字

丙寅幽州劉總 沈本上有十一月張氏宗泰云新紀有十一月

乙丑乙丑在丙寅前一日 按冊府百七十六作十一月丙寅

戊寅夜月犯歲 沈本歲下有星字

仍以空名告身五百通 冊府百二十二通作道

自淮陰沂流至壽州四千里入潁口 沈本作四十里張氏宗泰

云本作千誤他本作十亦非以道里計當作四百里 按胡三

省通鑑注作四十里冊府四百九十八作自淮陰沂流壽州西四十

里入潁口謂壽州之西四十里卽入潁口也四十里不誤當以
自淮陰泝流至壽州斷句 至於項城冊府項城上有陳州
菱一千五百萬束冊府菱上有附之以 省汴運下胡三省注
引舊史有之費二字

及飛草場火 沈本飛下有龍字是

十二年

南近參箕而沒 沈本箕作旗張氏宗泰云參箕二星相去半周
天彗不能近參又近箕也

六千九萬段匹 沈本千作十

庚申敕宜於許汝行營側 張氏宗泰云庚申不得在甲寅前非
戊申卽庚戌之誤 按通鑑亦作庚申勅置行縣在甲寅攻申
州後庚申不誤但誤在甲寅前耳

甲寅岳鄂團練使李道古

至

道古之衆大敗

當在庚申前岳鄂

通鑑作鄂岳沈本從之

賜吉甫諡曰忠

沈本忠下有懿字據新書本傳補

夏四月辛卯李光顏破賊

沈本李上有乙未

按通鑑作乙未

新紀辛卯有李愬及吳元濟戰於嶺呀山敗之之事沈意此紀

辛卯下當有此事也

糶於西京

沈本京作市

丁卯賊鄆城守將鄧懷金與縣令董昌齡以鄆城降

沈本丁卯

上有閏月張氏宗泰云本脫五月他本作閏月誤說見下

按

通鑑以鄧董來降繫於乙未仍在四月

渭南雨雹

張氏宗泰云新志作河南

五月庚寅朔癸巳隨唐節度使李愬奏敗賊於吳房獲賊將李佑

張氏宗泰云據新紀有五月辛酉若依此紀庚寅朔則酉當爲卯據前閏在九年八月依算法推夏至在十二年五月二十九日倘於四月置閏則中氣在閏月末不合是丁卯上所脫乃五月而此爲閏字之誤矣按通鑑是年有閏五月而獲李祐事則繫於五月庚辰御覽百十四亦在五月佑沈本作祐與通鑑同御覽作佑

以尙書左丞許孟容爲河東畱守 沈本河東作東都

乙酉敕今後左降官 沈本作己酉張氏宗泰云下有庚戌此當

作己酉 按冊府六百十二作己酉 從節支處分沈本支作文張

氏宗泰云寶歷元年四月癸己詔有節文二字 按冊府正作

節文

守尙書戶部侍郎 沈本無尙書 按冊府凡言某部侍郎上多

有尙書二字

爲潞府長史 沈本府作州

以御史中丞爲京兆尹 沈氏炳震云中丞下闕文張氏宗泰云
此紀前未書爲中丞之人下亦無書代京兆尹者無可是正姑
闕之以俟考

以湖廣觀察使 沈本廣作南是 爲太子詹事分司張氏宗泰
云分司下當有東都二字

庚子以撫州刺史袁滋 張氏宗泰云庚子不得在辛丑後非庚
戌卽壬子之誤沈本作庚午上有冬十月聞本冬十月在壬申
裴度往施口之上 按下文十一月丙戌朔十月自不得有庚
子但未知沈本何所據而改之

裴度往施口 張氏宗泰云當作沱 按通鑑作沱

甲申以淮南節度使沈本作甲戌依新紀改

以左丞衛次公沈本以下有尙書

襄鄧隨唐福郢沈本福作復等州觀察等使沈本無等州及

下等字

河陽節度使沈本陽作南誤

彰義軍節度使潞州潁陳許節度使沈本無上使字及州字張

氏宗泰云按陳許節度使卽忠武軍是年李光顏加檢校司空

至十三年方遷義成節度使而馬總始爲忠武軍節度使均見

此紀是馬總未嘗於十二年十二月兼潞潁陳許也本傳止云

吳元濟誅度畱總蔡州知彰義軍節度使尋檢校工部尙書蔡

州刺史兼御史大夫充淮西節度使奏改彰義曰淮西而已而

爲陳許潁等州觀察使在十二年轉許州刺史忠武軍節度時

當依本傳作兼御史大夫按冊府百二作蔡申光節度等使
據其初授通鑑作淮西節度使據其奏改也

十三年

宰相李鄴守戶部尚書罷知政事 冊府三百三十三上有戊戌是通

鑑有

自長官以下除畱守 沈氏炳震云下屬闕文張氏宗泰云此猶

爲未考據會要自長官以下下脫少人作等差而會要少字似

誤又畱下脫闕官外分給五字而衍畱字 按畱字非衍冊府

五百七自長官以下下有據多少人作等差除畱闕官物外分給

較會要爲詳會要少上脫多字闕上脫畱字官下脫物字今本

以下下有闕文除畱下有闕文而守字即官字之誤也

至銀臺待罪請獻德棣二州 張氏宗泰云上有闕文王承宗傳

十二年十月誅吳元濟承宗始懼求救於田宏正十三年三月
宏正遣人送承宗男知感知信及其牙將石汛等詣闕請命又
新紀承宗獻德棣二州在四月甲寅卽此紀下所書也是中脫
夏四月甲寅而至銀臺上當有王承宗遣子及牙將等 按張
說是通鑑夏四月甲寅朔魏博遣使送承宗子知感知信及德
棣二州圖印至京師

丙辰以忠武軍節度使 沈本作丙申張氏宗泰云據上乙酉下

戊戌當作丙申 義武軍節度使沈本武作成是

校檢司空 沈本作檢校是

凌鍾按此條在仍令宣武條前

程權爲邠州刺史邠州節度使 沈本下州字作

仍令宣武魏博義成義圓橫海等 沈本下義字作武

勅左右軍龍武六軍 張氏宗泰云上軍字衍

君子之徒則同心同德小人之徒是爲朋黨 冊府三百十三但君子

爲徒則是同德小人爲徒則是朋黨 可謂至矣冊府作言

從陛下所言沈本從上有不字 按御覽百十有不字

十四年

復置仗內教坊於延政里 冊府十四復作徒

辛巳斬前滄州刺史 沈本作辛丑張氏宗泰云據在丙申癸卯

之中當作辛丑

賜王承宗綾絹萬匹 冊府百七十六絹下有布共二字萬下有端字

加檢校司徒 沈本作司空

丁酉上以齊魯初平 冊府百九作乙酉是丁酉不得在戊子前

鄆濮曹等州觀察使 沈本鄆上有爲字無等州

衛中行華州刺史 沈本行下有爲字

所謂委寄

冊府

三百作所謂委者

及至所行臨事無不偏黨

冊府及至臨事亦聞皆有頗曲然漸見物情每於行爲務欲

詳審冊府然見物理漸詳每欲於事察審比令學士集前代

昧政之事爲辨謗畧每欲披閱以爲鑒誠耳冊府作比令學士

編錄古今疑謗類昨以披閱見曖昧似是之事頗爲鑒誠按

御覽

百十

與今本同

除本軍州外

冊府

六十

作除本州軍使外

並合屬刺史冊府

合作令

如刺史帶本州沈本脫上三字

其兵馬額冊府額

上有名字

轉運等使程昇卒

沈本無等字

充鹽鐵轉運等使

沈本充下有諸道無等字

置臨海監牧命淮南節度使兼之

冊府

六百二

使下有李夷簡

又按冊府十三年十一月賜蔡州羣牧號龍陂以刺史丁儁充使各本脫

辛巳羣臣上尊號曰元和聖文神武法天應道皇帝 冊府法作

順聖文神武在應道下辛巳作己丑是辛巳不得在乙酉後

二十八萬匹 沈本無萬字

懷州節度使 沈本州作孟

宏堅辭戎鎮故也 冊府七十宏上有以字

兼充監牧使 冊府六百二十一兼上有孟簡二字

進位檢校左僕射 沈本進位作加

一日不可曠廢 御覽百十四作不可一日曠廢

崔羣以殘暑方退 沈本以作爲 按冊府五十作以

丁亥宴田宏正 沈本作癸亥張氏宗泰云己未戊辰中不得有

丁亥非癸亥卽丁卯之誤

斬沂州亂首王弁於東市

冊府百五十五

亂首作叛將東市下有北

街

陳許殷蔡 沈本殷作澱

李林甫以奸邪惑上意

冊府百八

奸邪作耳目

加之以國忠

冊府加作終

靈武大將史奉敬

沈本作敬奉是下同

以諫議大夫

冊府三百三十三

諫作正

爲潭州刺史冊府爲作守

十五年

鎮冀觀察使

沈本作節度使

廢章邱縣入亭山縣

張氏宗泰云新志章邱縣下注云元和十

五年省亭山入章邱此書志同會要七十一於元和十五年正

月云亭山縣與章邱相近請廢亭山併入章邱是此紀誤

舊唐書校勘記卷七

舊唐書校勘記卷八

穆宗紀

貞元十一年七月

御覽

卷二

七月下有十二日

丙午卽皇帝位

張氏宗泰云本脫閏月當依新紀補丙午閏正

月初三日

按張說是御覽

百十

有閏月

集羣臣班於月華門外

冊府

百五十三

權罷西宮臨朝集羣臣於月

華門外

按臨朝當作朝臨通鑑輟西宮朝臨集羣臣於月華

門外

上見宰臣於紫宸門外

御覽

百十

宰作羣是下辛亥始御延英

對宰臣

守中書舍人

冊府

七十

中書下有侍郎中書四字

同平章事

沈本作並同中書門下平章事

仍更遁逃 冊府百五十三遁作波

有司舉舊典 冊府百七十三有司上有命字

恒王房子孫改爲泚王房 錢氏大昕云恒王當是恒山愍王也
泚王卽愍王之譌唐人避諱民旁字多改从氏張氏宗泰云此
紀第言恒王不可以恒山王承乾當之諸王傳實有恒王元宗
子瑱以開元二十一年與信義陳豐涼汴六王同封而在未復
郡名以前王薨於代宗時故據復名以書是恒王乃指元宗子
無疑泚從氏卽韓信斬陳餘於其上者也水出常山又地理志
行唐縣下云大厯三年以縣置泚州故得避恒爲泚也

以右神策大將軍張維清 沈本維作惟

並賜緋魚袋 御覽百十四無魚袋

據除拜上日爲後 沈本後上有先字 一切依敕文先後爲定

除拜上日便爲月數從之 冊府五百一十六一切依敕文先後爲定
以後赴職稽慢量道路遠近則臺司別具名聞奏須議懲責豈
止顛倒職事而已也

貶太子賓客留司東都 張氏宗泰云依孟簡本傳留當作分
澧王寬薨 沈本寬作憚張氏宗泰云據本傳寬乃所改名作寬
是

放京兆府今年夏青苗錢 沈本夏下有稅字是

是曲於小利 冊府五百七曲作繇是 據數收貫冊府收作抽

應給用錢聞本給作急張氏宗泰云抽貫應急用急字義長

按抽貫之令見於四月亦無應急用之文冊府載此敕全文亦

作給

迴幸右軍 冊府百九作迴幸左神策軍

朕既深歡慰

冊府

卷二

作朕既獲申歡慰

朕於光順門內殿

冊府於作御

至此月壬子

沈本無此月

平盧軍新加押新羅渤海兩蕃使賜印一面

冊府

六十

平盧節

度使奏准式押加新羅渤海兩蕃請印一面 許諸巡官一人

沈本諸作置張氏宗泰云以形體之誤考之當作請

甲戌安南都護

至

收復安南府

沈氏炳震云此條已見六月丁

丑疑重出張氏宗泰云甲戌下當有別事俟考

大合樂於魚藻宮觀競渡

冊府

八十

幸魚藻宮大合樂觀競渡

損田六千頃

沈本千作十

守司空門下侍郎

冊府

七十

司空下有依前兼三字

以邢窟節度使

沈本無以字

並同中書門下平章事沈本作

加同平章事

又以武甯軍節度 沈本無又字

成德軍節度使王承宗卒其弟承元上表請朝廷命帥遣起居舍

人柏耆宣慰之 冊府百二十六 成德軍節度王承宗卒弟承元密

獻忠款命起居舍人柏耆往鎮州宣慰御覽百十 作王承元以

所部四州請命

以魏博等州節度觀察等使 沈本無等州觀察四字 魏博大

都督府 沈本作魏州長史下同

以鎮冀深趙等 沈本無等字

以左金吾將軍田布爲檢校 沈本無爲字凡云爲檢校某官沈

本皆無爲字以後不復出

乙酉涇州奏吐蕃退去 張氏宗泰云與上書乙酉複當從新紀

作丙戌

十一月乙亥朔 沈本作己亥

念乎三軍之事 冊府百六十五事作士是 王澤所洽天網方恢冊

府天網上有又以二字恢作收

以宗正卿李翱 沈氏炳震云按翱是年六月坐李景儉貶朗州

不應卽遷華州也且翱傳亦無華州文又按李宗閔傳宗閔父

翱自宗正卿出爲華州刺史其時當在元和末此疑作李翱

朕以成行 沈本以作已

長慶元年

己亥朔上親薦獻太清宮太廟 按太廟上有脫文冊府三十己

亥朔備法駕親薦獻於太清宮遂齋於太廟庚子享太廟又天

寶定制太清宮稱獻太廟稱享亦不同日此文顯有遺脫新紀

己亥朝獻於太清宮庚子朝享於太廟御覽百十與今本同

宰臣賀於前 沈本前下有殿字非是日赴南郊齋於郊所不在

宮中御覽百十亦無殿字

應緣大禮移仗宿衛御樓兵仗將士 冊府八十禮作祀兵作立

以河陽懷節度使 沈本作以河陽三城節度使

懷節度使 沈本懷下有孟字

韓瓘改名充 沈本瓘作瓘

制官敕下 王氏鳴盛云當作制宜放下

不合與朝廷要官往來 沈本往上有相字

憐異屢舞 沈氏炳震云憐異二字有譌張氏宗泰云據會要作

譏其 按張說是御覽百十憐作麟亦誤 以杯酌獻酬御覽

以上有雖字是

幽州節度使劉總奏請去位落髮爲僧又請分割幽州所管郡縣

爲三道

御覽

百十四

幽州劉總請分割土地入朝公卿皆疑獨

上推誠納之

請支三軍賞設錢一百萬貫通鑑作仍乞賜錢

百萬緡以賞將士

壬申以中書侍郎

沈本作壬午依新紀改

尙書戶部侍郎

沈本無尙書

浙東奏移明州於鄞縣置

張氏宗泰云新地理志明州下云開

元二十六年齊濟奏以越州之鄞縣置舊志同紀何以於是年

又書焉及考會要七十一云長慶元年三月浙東觀察使薛戎

上言明州北臨鄞江城池卑隘今請移明州於鄞縣置其舊城

西南高處置縣從之是移明州於鄞縣置與此紀同然亦云移

於鄞縣志於始置明州之所治不甚明曉又考之元和郡縣志

於明州云本會稽之鄞縣漢勾章縣地也武德八年廢鄞州立縣開元二十六年分置明州勾章故城在州西一里於鄞縣下云郭下本漢縣也隋平陳省入勾章武德八年再置仍移理勾章城一云勾章故城一云勾章城是勾章城有二故城當卽漢縣而鄞縣下之勾章城卽會要所謂北臨鄞江者也在州西一里者卽會要所云其舊城西南者也

以左丞韋綬 沈本以下有尙書二字

命給事中韋宏慶 沈本作薛存慶張氏宗泰云下有宣慰使薛存慶

可檢校司徒 沈本無可字凡云可某官者沈皆無可字以後不復出

惇爲沔王 沈本惇作恂 惋爲澶王 沈本惋作恂俱依新紀改

復爲天下節度使 沈本下作平平下有軍字是

本求才寶 冊府六百四十作寶才

冊九姓回紇爲登羅羽錄沒密施句主錄毗伽可汗 沈本紇作

鶻無下錄字張氏宗泰云依下太和公主出降所書羽錄當作

骨施下脫合字無句字 按冊府九百六十七 登上有君字下有里

字錄下無沒字句上有合字下錄字作祿通鑑作爲登囉羽錄

沒密施句主毗伽崇德可汗會要作爲君登里囉羽錄密施句

主毗伽崇德可汗各不同

大理寺三十五日詳斷訖申刑部三十日聞奏 冊府六百十二大理

寺刑部下俱有限字 大理六丞冊府大上有并字 常須二

十已入省寺沈本已作日

加茶權舊額百文更加五十文 冊府四百九十三 王播原奏茶權作

榷茶舊額上有約字義較明顯

建王審薨 沈氏炳震云審當作恪

滄州先置景州於弓高縣置歸化縣於福壽草市 張氏宗泰云
置歸化上依上滄州例當有德州二字壽當作城新地理志齊
州臨邑縣下云元和十三年析德州之安德置歸化縣隸德州
太和二年來屬四年省入臨邑會要同是置上當有德州也元
和郡縣志德州下云開元當作元和十三年鄭權奏安德縣有灌家
口草市一所成德軍於市北十里築城名福城伏請於此置縣
以歸化爲名是壽當作城又省入臨邑地志及會要俱作太和
四年疑紀因弓高之還滄州在長慶元年而誤以爲並停也

月掩房次廂 沈本廂作相

爲太子賓客分司 張氏宗泰云據新書本傳分司下當有東都

二字 按紀中多有但云分司者可不補

復失河北矣 沈本無矣字

乙丑以河東節度裴度 沈本作己丑依新紀改裴上有使字
殺刺史邢楚 沈本楚作澁

癸酉魏博節度使 沈本作癸亥張氏宗泰云據在下甲子朔前

當作癸亥

裴度奏自將兵取故開路進討 沈本開作關是

橫海軍節度使 冊府百二橫上有充字

奏遣節度使 張氏宗泰云據上乙亥所書節度下當有副字

上御宣政殿試制科舉人 冊府六百四並載策題

以前容州經畧使畱後 沈本州作管是

以李遜爲鳳翔節度使 沈本翔下有尹鳳翔隴右五字張氏宗

泰云據下二年正月甲寅下所書當有此五字

壬午出內庫錢五萬貫以助軍

冊府四百八十四

五萬貫下有付度

支三字以助軍作以備軍須

長慶二年

魏牙將史憲誠奪師 沈本魏下有博字是

先鋒兵馬使憲誠 沈本憲上有史字是

貶叔良爲歸州刺史 沈本無爲字凡言貶某爲某官者沈本皆

無爲字以後不復出

以工部尙書度支 沈本度上有判字 充鳳翔隴節度使沈本隴

下有右字

兼御史大夫 沈本大夫下有張平叔

庚子以充沂密觀察使 沈本作庚申是已未下不得有庚子

兼靈州刺史。沈本兼作爲。

以鄜坊丹節度使。沈本無丹字是。

以代王承元爲鄜坊節度使。沈本王承元下有以承元二字是。各本以承元誤在下滄州下。

滄州以承元節度使王日簡賜姓名全畧。沈本無以承元三字。是全上有李字。

又諸薦送大將。冊府六百三十一。又下有有字。諸下有道字。宣令。

神策六軍軍使冊府不重軍字。素立大功及有才器者冊府。

作若勲伐素高人才特異者。常參官依月限改轉冊府其常。

參武官准具員年月日改轉。諸道軍府帶監察已上官者冊。

府作諸道軍府大將監察以上官者。不得停衣糧冊府衣糧。

上有本分二字。長行所護人至鉅萬。沈本護作獲是冊府神。

策禁旅須

疑誤

左右三軍兵建

健疑作

號長行者其名最衆人尙

獲五萬

上疏請官自賣鹽

按平叔疏及韋處厚詰難冊府

四百九十四

具載

其文

裴度與書論之

沈本與作以

以左丞崔從

沈本左丞上有尙書二字

以承元爲鳳翔隴節度使

沈本翔下有尹鳳翔二字隴下有右

字

以武甯軍節度使

沈本使上有副字

持木鐘

沈本鐘作錡

爲父可哀英華爲上有而字

以德州刺史李景儉爲諫議大夫

沈氏炳震云案景儉元年十

二月貶楚州刺史未嘗爲德州又案景儉傳景儉初貶漳州元

稹爲相改楚州諫官論之稹懼物議追還授少府少監未嘗爲
諫議大夫疑非是張氏宗泰云考景儉傳景儉爲諫議大夫有
二一在元和末由忠州刺史拜倉部員外郎月餘驟遷諫議大
夫傳於下文又云寵擢之後凌蔑公卿使酒尤甚蕭俛段文昌
輔政景儉輕之形於談讕二人訴之穆宗制貶建州刺史未幾
元稹用事自郡召還復爲諫議大夫其年十二月云云卽上所
書乘醉見宰相謾罵者也是由刺史爲諫議大夫與所書合當
卽上八月甲寅下複書之錯簡而又誤建州爲德州也

色青赤 沈本色作毛

六月甲戌朔甲子 沈本作庚申是甲戌不得在甲子前

守尙書右僕射 沈本作守左僕射 按英華作右僕射

爲同州刺史 沈本刺史下有長春宮使是

立牙將李充爲畱後 沈本充作芥依新紀改冊府百二作李岑

亦誤

宣武軍節度使 沈本無使字是

以宣武軍節度押衙 沈本無節度

內出綾絹五十萬匹 冊府四百八十四上有以討汴州李齊

陳許水災 冊府一百五以陳許懼水災

判尙書省事 沈本判下有東都二字下韓臯判尙書省事同張

氏宗泰云據上二月丁亥裴度所書當有東都二字 本朝故

事沈本無本朝

奏今月六日發軍 沈本軍作兵 汴州監軍沈本軍下有使字

爲華州刺史 沈本華作滑是 鄭滑潁等州觀察等使沈本無

等州張氏宗泰云滑衛鄭陳乃兩鎮鄭當爲衛之誤下李質所

書官當亦同

潁州棣鄭滑觀察使 沈本棣作隸觀察作節度張氏宗泰云潁

州下當有刺史二字

韓充送李芥男道源道樞道淪等三人斬於西市 冊府百五十三逆

賊李芥梟首及其男四人至京師詔道源道樞道倫道安即日
行刑於京城之西市英華載誅李芥諸子詔文云其男道源道
樞道淪道安等叛逆之子固不可原理須正刑宜集衆處斬以
左右神策兵各三百人防押即日行刑於京城之西市通鑑但
云執芥四子送京師此紀下文云小男道本配於掖廷或在四
人之外歟俟考

壬子太子少師李夷簡卒 沈氏炳震云壬子上下字有一譌張

氏宗泰云癸卯之前不得有壬子而在戊子下非壬辰卽庚子

之誤

浙江西道都團練 沈本作浙西凡云浙江西道浙江東道者沈皆作浙東浙西以後不復出

丁亥以萬州刺史 沈本作丁巳張氏宗泰云丁亥當在前月二十九日

守司徒中書令 沈本中上有兼字

上由復道幸咸陽 冊府百十道下有出城二字幸作狩於

韋綬爲興元尹 張氏宗泰云據本傳韋綬上脫禮部尙書下脫檢校戶部尙書禮部上仍當有以字

遣使獻國信四牀 張氏宗泰云據寶曆元年六月丁亥下所書牀當作車 按冊府九百七迴紇使者僕固昌獻其國信四床

牀字不必改

旱損頗多

御覽

百十

損下有田苗二字是

宜委淮南浙西東

御覽東上亦有浙字

冊府二百

同

減半價出糶御覽無出字

上不許中外與度等

沈氏炳震云中外下屬缺文張氏宗泰云

新敬宗紀作翰林學士兩省官較此爲詳

按御覽

百十

作中

外與裴度等此非缺文

詔景王爲皇太子

冊府

二百五十七

制立景王湛爲太子御覽

百十四

詔下亦有立字

上御宣政殿冊皇太子

冊府

二百五十七

帝御紫辰

當作辰

殿冊皇太

子故事冊太子御宣政前殿時以帝體未康慮勞登御殿故從

便也御覽

百十

亦作宣政誤

太子舉簾冊府太子下有命字

是

判度支戶部侍郎

沈本判度支在侍郎下

如正二月之後 沈本後作候

三年

上以疾不受朝賀 御覽百十疾下有苦字

嗣郢王佐 張氏宗泰云元宗孫行名皆從人瑛始王眞定進王
郢子六儼伸倩侏備儼新書諸王傳作子五無儼皆畜於慶王
儼嗣慶王寶應元年雖贈瑛爲皇太子而儼封新平郡王備太
僕卿倩失傳無嗣郢王者而又無名佐者或郢當作慶而佐爲
侏之誤也

天平軍監軍 沈本軍下有使字

以牛僧孺同中書門下平章事 張氏宗泰云以下脫御史中丞
孺下脫爲御史中丞 按冊府七十作以戶部侍郎牛僧孺同

平章事

移成州於寶井堡

張氏宗泰云新地理志移治寶井堡在咸通

七年未知孰誤

上由複道幸興慶宮至通化門賜持孟僧絹二百匹

冊府

五十

自複道達興慶宮至通化門樓投絹二百匹施山僧 因幸五

方沈本方作坊是

進位平章事 沈本進位作加

南詔王邱佺進金碧文絲十有六品 張氏宗泰云新書本傳長

慶三年勸利死弟豐佑立遣使冊命豐佑遣洪成酋等入謝當

卽此事邱佺當爲豐佑 按冊府

九百七十二

南詔王兵

疑作邱

佺進

其國信金碧文祿

字疑誤

十有六品

新除江南觀察使李紳 沈本作江西是

丙蘭使公廩本錢一萬貫軍器使三千貫 沈本蘭作園是冊府

五百
七 內園上有賜字無公解

上御通化門觀作毗沙門神

冊府

五十

御作幸

敬宗紀

六月七日生於東內之別殿

冊府

卷三

作九日是御覽

百十

內

作宮

在京軍士人獲五十千在外軍鎮差降無幾

冊府

八十

左右神

策軍各給錢五千貫諸軍及外鎮所降無幾

按通鑑亦作人

獲五十千

冊大行皇帝皇太后爲太皇太后

御覽

百十

脫上太字誤

癸未太白犯東井北轅

沈本作癸卯蓋據舊志張氏宗泰云舊

志作癸卯亦誤此一事而兩書者卽下三月庚午下云是夜者

也而新志及此紀又作庚午亦非當依舊志作壬申三月二十

三日壬申夏至前五十三日太白次遲七日由觜二行七度少
當日宿胃十二少東三十九度在參七少可犯東井北轅

秋青苗錢每貫放二百文

冊府

四百九十一

秋青苗錢下有並河南

府夏青苗錢五字二百作三百 六宅十宅諸王女沈本作七

宅誤冊府作十 選擇降嫁冊府作擇端良者降嫁 戶帳田

畝五年一定稅冊府自今已後州府所申戶帳及墾田頃畝宜
據見徵稅案爲定後與戶部類會具單數聞奏仍勒五年一定

稅

以太子少保張宏靖爲太子少師分司東都 張氏宗泰云兩書

本傳宏靖未嘗爲太子少保其爲太子賓客分司東都已見長

慶元年七月丁巳下其爲太子少師乃自出幽州後由撫州刺

史所遷其前分司東都仍貶爲吉州刺史亦見元年七月己未

下由吉州爲撫州見二年二月甲子下此當爲以撫州刺史張
宏靖爲太子少師又令狐楚爲河南尹亦由太子賓客分司東
都而遷則分司東都四字當在下太子賓客下爲令狐楚本官
賜伶官綾給 沈本給作絹是

夏四月庚申朔 沈本作庚辰 按冊府卷二作庚辰朔下有中

書門下奏皇帝六月九日降誕伏准故事休暇一日從之

弓箭庫 沈本弓上有攻字是御覽百十有攻字 上聞其變御

覽無其字 右神策軍兵馬使沈本右作左是

己亥九仙門等監 聞本作己丑張氏宗泰云據上丁酉下辛丑
當作己亥 按通鑑作己亥

以左神策大將康日全 沈本日作藝是

命疏決京城三囚 沈本三作繫是

庚辰大風 沈本作庚寅張氏宗泰云庚辰不當在辛巳後新五行志作庚寅

太保張宏靖卒 沈本太保作太子少師

己巳浙西水 沈本作乙巳張氏宗泰云己巳非癸卯丁未中所
有

庚辰以前河中節度使 沈本作庚戌張氏宗泰云據上己酉下
戊午當作庚戌

疏靈州特進渠置營田六百頃 冊府五百三靈武節度使奏於特
進渠新置營田六百頃

左金吾衛大將軍李祐 沈本左作右按通鑑及冊府百六十八俱作
左 進馬二百五十匹冊府通鑑俱作二百五十匹

昨已進段具 沈本段作兩依本傳改 唯有畱使錢五萬貫張

氏宗泰云本傳五下有十字

八六丁酉朔 沈本作丁丑

是夜火犯土星 張氏宗泰云新志作庚辰是

與品官季文德等 沈本季作李王氏鳴盛云校本品官作中官

按舊紀屢言品官不當改

甲寅詔於關內關東 沈本寅作申

爲河南府兵曹參奏 沈本奏作軍是

是夜金犯軒轅右角 張氏宗泰云以太白行度考之當爲乙未

江王府長史段釗上言稱前任龍州刺史 按通鑑作龍州刺史

尉遲銳上言

甲子以太常卿 沈本作甲午是壬辰乙巳之間不得有甲子

上怒優容之 按通鑑作上雖怒亦優容之義較明顯

宋沐毫觀察等使 沈本作沐宋毫

乙卯罷理甌使 會要五十五載李渤奏罷爲詳張氏宗泰云會要此下開成三年會昌元年大中四年俱載知甌之人此年乃罷李渤爲甌使非遂罷甌使也

己己以兵部侍郎王起 沈本作己未張氏宗泰云據上戊午下甲子當作己未

吐蕃遣使求五臺山圖 冊府九百九靈武節度李進誠奏吐蕃遣使求五臺山圖山在代州多浮圖之跡西戎尙此教故來求之 按本紀及吐蕃傳俱畧

以鄂岳觀察使檢校兵部尙書 沈本無下六字

安南都護李元素 沈本素作喜 按通鑑作喜 與環王國合勢陷睦州沈本睦作陸是通鑑作陸

蘇常湖嶽吉 沈本嶽作岳

宋申錫 通鑑上有起居舍人

寶歷元年

改元寶歷元年 沈本無下二字

於鄂州特置武昌軍額寵僧孺也 沈本在上鄂州刺史下僧孺

作之

辛卯以前禮部郎中 沈本上有二月張氏宗泰云辛卯二月十

七日

二百九十一人 冊府六百四十四作三百一十九人

魯士誠固尉 沈本誠作城是

翰林學士上疏論列 沈本學士下有韋處厚 按通鑑亦有韋

處厚

乙亥以劍南東川 沈本作己亥張氏宗泰云據上癸巳下辛丑

當作己亥

以前平盧軍節度使 沈本使下有薛平張氏宗泰云據下文乙

未所書補

毗伽昭禮可汗 沈本毗上有合字張氏宗泰云長慶元年五月

太和公主出降所書有合字

六月壬申朔 沈本作癸酉張氏宗泰云前月甲辰朔壬申乃二

十九日非

北京畱守以河東節度使 沈本京作都以作充節度使下有以

充海節度使六字是

乙酉鄜坊水 沈本作己酉張氏宗泰云據上甲辰下癸丑當作己

酉

淄王傳分司元錫卒 張氏宗泰云分司下富有東都二字

仍以船材京內造時計其功當半年轉運之費 張氏宗泰云據

張仲方傳材下有於字造下有作字

王佖男王謨等 張氏宗泰云影宋本下王字作正

壬午朔 沈本作壬申張氏宗泰云以厯法推之當作壬申

金薄十萬翻 冊府百八 翻作番 及昇陽殿圖障冊府昇陽作

歸德御覽百十 作昇陽無下二字

兩京河西大稔敕度支和糴折糴粟二百萬石 按文義似有脫

落冊府五百 勅度支於兩畿及鳳州邠涇鄜坊同華河中陝州

河陽等道共和糴折糴聚二百萬斛命祠部郎中崔忠信等分

道主之以是歲大稔故也

仍以從政爲光祿少卿號昇元先生 冊府五十 己巳以道士劉

從政爲檢校光祿少卿賜紫并號昇元元生

丙戌夜月犯右執法 張氏宗泰云據兩志犯下脫畢甲午月犯
五字

乃移置於綏遠峯南 張氏宗泰云新地理志東受降城下有此

事峯作烽

以崖州安置人嗣郢王佐爲潁王府長史分司東都 張氏宗泰
云按此條仍有誤佐旣爲嗣郢王又何以爲他王府長史且分
司之官除太子師友外未有以王府官兼者均俟考

武昭及弟彙

冊府

百五十三

弟作茅誤

宜付京兆府決冊府並宜

付京兆府各決痛杖一頓處死

按通鑑亦作武昭杖死 彙

流崖州

按彙上脫茅字冊府通鑑俱作茅彙流崖州此與武

昭之弟彙同名武彙旣杖死若不加茅字無以別於武彙且茅

彙之名前九月下書安再榮告武昭事既未見此尤不當省茅
彙爲左金吾兵曹參軍昭對之言欲刺逢吉者也冊府百五載
此事甚詳

癸未以殿中少監嚴公素爲容管經畧使 沈氏炳震云案公素
長慶元年已自經畧畱後除容管未嘗爲殿中少監也此疑代
公素者張氏宗泰云二年二月辛丑奏請普甯等七縣北選仍
書容管經畧使嚴公素是未嘗更易也此當爲長慶元年十一
月之錯簡必是十一月嚴公素自殿中少監爲容州經畧畱後
十二月方自畱後爲經畧使錯簡在此則此經畧使又當爲畱
後之誤凡由畱後遷者率爲時不久公素或亦當然以同爲元
年而誤也而長慶元年十一月無癸未或不定在十一月 按
沈張二說俱無確據存疑俟考

以晉王普爲昭義軍節度副大使 沈氏炳震云副字疑衍張氏宗泰云會要親王遙領節度篇云以晉王普爲昭義軍節度副大使知節度使事又於開元四年鄭王嗣直遙領節度云親王遙領自此始也其在軍節度卽稱節度副大使知節度使事又太和八年十二月通王湛會昌四年十一月皇子鄂大中十一年昭王泚乾符四年壽王傑均以副大使知節度使事見於會要他本疑副字之衍猶爲未考

其夜北方有霧起 張氏宗泰云其夜五行志作乙酉十二月己亥朔無乙酉在戊申下當作己酉 霧上有赤氣張氏宗泰云上當依志作止

旱災傷稼 聞本與沈本俱無災字

二年

正月己巳朔庚午貶殿中侍御史至遂貶源植 聞本庚午作辛

未沈本以貶殿中以下移於下辛未下是

辛未湖南觀察使至檢尋不獲 聞本辛未作庚午沈本以湖南

觀察以下移於上庚午下是

以諸軍丁夫二萬入內穿池修殿 冊府十四左右神策六軍威

遠皇城左右金吾共差二萬人入內穿池修殿

同中書門下平章事 沈本以此七字與下同平章事四字互易

按冊府七十與今本同

丁巳寒食節三殿宴羣臣 冊府百九羣臣作百官 自戊午至

庚申方止冊府又自戊午至庚申譙羣臣師保尙書侍郎御史

中丞兩省五品已上官駙馬公主等前後頒賜有差

丙寅正冊司空裴度 沈本正下有衙字 按冊府七十丙寅以

中書侍郎平章事李程攝中書令受冊正衙宣制受當作授

甲戌賜宰臣百僚上已宴於曲江亭張氏宗泰云據上下所書

上已皆在三日此作甲戌乃初九日

乙亥右散騎常侍李翱卒沈氏炳震云翱字疑誤張氏宗泰云

翱卒於太和元年亦未嘗爲右散騎常侍

奏廣湖封雷潘辯等七州戍軍張氏宗泰云依地理志湖當作

潮又按廣下當脫韶字以其由廣州析也方合七州之數

鄂岳觀察使沈氏炳震云觀察當作節度其漢陽汝川兩縣

錢氏大昕云汝川當作汝川

是日內出碑文冊府三十作內出皇帝聖德碑本

以涇原節度楊原卿沈本原作元是

以金吾衛大將軍李祐沈本祐作帖張氏宗泰云作帖非金吾

上當有右字

浙西送到絕粒女道士施子微 冊府五十賜浙江送到絕粒女

道士施子微紫衣一襲絹百匹銀器二百事命中使却送歸本

州帝前後屢訪貞隱唯子微粗有修養之術故其去也獲厚賜焉

立其第二子延嗣 御覽百十二作三通鑑作立其少子

神策軍苑內 冊府十四軍下有於字 掘獲白玉牀御覽百十

掘下有池字

以右丞丁公著 沈本右丞上有尙書二字

爲尙書左丞 沈本左作右

減放苑內役人二千五百 御覽百十人字在五百下

進驢打毬人 御覽百十無驢字

取大魚長大者送入新池 御覽百十 無長大者三字

分明驢鞠角抵戲耐有碎首折臂者 通鑑作爲擊毬手搏雜戲

戲耐有斷臂碎首者

勅鄆縣漢陂尙食管係太倉廣運潭復賜司農寺 按此文義太

畧冊府四百九十七 勅鄆縣漢陂宜令尙食使收管不得令雜人探

疑作探 捕其水任百姓溉灌平原等三鄉稻田仍勿奪碾磑之用

四百九十八 太倉廣運潭却令司農寺收管此潭漕舟止泊之所貞

元中詔收爲內捕魚池今以取漢當作漢 陂屬尙食故以此潭却

賜司農寺

丁丑夜月犯輿鬼 沈本無丁丑張氏宗泰云舊天文志有丁丑

熒惑去輿鬼七寸而上連八月丁未但丁丑丁未不得同月又

舊志丁丑下卽接十月是丁丑上脫九月也丁丑九月十三日

冬至前六十一日癸亥前遲九日由井二十七行三度太當日宿亢八太西一百度在鬼車強與志去輿鬼七寸合是月爲癸惑之誤當在下自甲戌至丙子方已之下

兼御史大夫東都畱守 沈本無上五字

九月丁丑朔 沈本作乙丑是

幽州監軍 沈本軍下有使字

乙亥以幽州衙前都知兵馬使 沈本作己亥張氏宗泰云乙亥

在乙未前二十日不得次於朔下據下有壬戌非己亥卽乙巳之誤 按通鑑作己亥 知節度使沈本使作事是

充兩階道門都教授博士 沈本階作街是

兼志宏 沈本兼作魚張氏宗泰云志宏當作宏志 按文宗紀

作魚宏志

以戶部尙書胡証 閩本証作澄

田務成許文端 御覽百十成作澄端作瑞 按通鑑作端成亦

作澄

文宗紀

諱昂 閩本昂誤昂御覽百十作昂

初名涵 冊府卷三下有卽位更之四字

長春宮斛斗諸物 英華作長春宮見在斛斗及絲草席等 諸

色職掌內英華作諸色職事中 並宜停給英華作並宜停罷

別詔宣英華別上有應字宣下有索字 以金筐瑟瑟寶鈿者

英華作以金飾瑟瑟雜寶鈿珍珠瑪瑙裝者 先有開闢英華

闢下有道路二字

太和元年

以前戶部侍郎于教 沈本教作敖是

丙申復置兩輔六雍 沈本丙申上有二月雍作雄張氏宗泰云

丙申二月四日

錢徽爲尚書右丞 張氏宗泰云本傳作左丞

三月庚戌朔 沈本作壬戌

己巳貶山南東道節度副使 沈氏炳震云是月無己巳誤張氏

宗泰云據上庚申下壬戌當作辛酉 山南東道行軍司馬沈

本無上四字

君臣象類 冊府一百作君象臣類 暢泳治功冊府治功作性

分

就加魏博史憲誠同平章事 沈本無就字 按冊府百七作就

加此下又有丁丑就加李載義康志睦王庭湊事下又云是時

既以李同捷節度充海尚虞羣帥生事故咸有就加之命以寵安之

丙戌夜熒惑犯右執法 張氏宗泰云右當作左丙戌五月二十
五日夏至後六日熒惑後疾四十九日由張九行三十一度當
日宿井十六太東七十八度少在軫四

臨漢監牧等使 張氏宗泰云據下二年十月丁巳下所書臨漢
應作海陵 按元和十四年五月置臨海監牧漢當作海

進封魏國公 沈本魏作趙

敕今年權於東都置舉 冊府六百四十一置舉下有其明經進士任

使疑作便東都赴集其上都國子監舉人合在上都試

爲黔中經畧使觀察使 沈本無上使字

詔削奪李同捷在身官爵 冊府百六十五詔載全文

邠甯節度使高崇簡卒 沈本崇作承是張氏宗泰云此以承簡

爲崇文之子而誤

以左神策軍將軍知軍事何文哲 沈本無上軍字及知軍事三

字 以左神策大將軍知軍事李泳沈本無知軍事三字

就加檢校禮部尙書 沈本就作並

以諫議大夫蕭裕 沈本裕作祐

癸丑兗州復置萊蕪縣 沈氏炳震云是月無癸丑誤或癸丑上

缺十月張氏宗泰云癸丑十月二十五日

丙申河中薛平奏 沈本作丙寅

癸己以晉州慈州 張氏宗泰云癸己十二月六日癸己上脫十

二月

癸己以左丞錢徽 沈本無癸己是左丞上有尙書

二年

散配鄉村

冊府

七十

材作閭

三月丁丑朔

沈本作丁巳張氏宗泰云當作己丑

按當作丁

己冊府

四百九十四

正作丁己

度支奏京兆府

至

從之冊府載全

文

上御宣政殿親試制策舉人

冊府

六百四十四

並載策題

內出水車樣令京兆府造水車散給緣鄭白渠百姓以溉水田

冊府

四百九十七

京兆府奏准內出樣造水車訖時鄭白渠旣復又

命江南徵造水車匠帝於禁中親指準乃分賜畿內諸縣令依

樣制造以廣溉種

丁巳命中使

沈本作丁亥張氏宗泰云據在乙酉乙未中當作

丁亥

生剖其腹 冊府四十腹下有而後得之

命畫工圖於太液亭 御覽四十圖下有寫字

四方館請賜印 冊府六十請上有奏字印下有一面二字 其

文以中書省四方館爲名冊府其文作仍爲名下有許之

辛酉以吏部尙書鄭綱 沈氏炳震云辛酉上下字有一譌張氏

宗泰云辛酉不得在癸亥辛己中非辛未卽癸酉之誤

乙酉以前邠雷節度使 沈本乙酉上有秋七月張氏宗泰云乙

酉七月朔

詔削奪王庭湊在身官爵 冊府百二十三詔載全文冊府此事在八

月通鑑在七月俱與舊紀在九月異

罷揚州海陵監牧 冊府六百二十一詔載全文冊府在元年十月

開志紹 張氏宗泰云新紀開作丌紹作沼下同 二萬人沈本

萬下有餘字

三年

華州刺史鎮國軍潼關防禦使

沈本無刺史及潼關防禦

勅元和四年敕

至

賞錢五十文

冊府

五百一

載中書門下全奏五

十作五千

乙丑河中節度使

沈本作己丑張氏宗泰云下有乙未上不得

有乙丑同月據在癸未乙未中非乙酉卽己丑之誤

廣南節度使

沈本廣作嶺

丁公著檢校戶部尙書

沈本戶作工張氏宗泰云本傳作工

檢校禮部尙書李德裕

沈本無上六字

辛亥魏博何進滔奏

沈本上有八月張氏宗泰云辛亥八月四

日

準詔割相衛三州沈本作二州張氏宗泰云新紀衛下有

澶字二作三

勅兩軍諸司內官

冊府

五十六

命中使宣兩軍中尉及諸司使內

官等

庸非禮道

張氏宗泰云影宋本禮作理

以中書舍人韋詞

沈本詞作辭張氏宗泰云韋辭傳在一百十

甲申帝親祀昊天上帝於南郊

沈本作甲午是冊府三十作甲

午 御丹鳳門沈本門作樓

四方不得以新樣織成非常之物爲獻

冊府

五十六

新樣作雜行

樣織成作難行

機杼織麗冊府機杼作其於

己丑以東都畱守

沈本作乙丑張氏宗泰云丁未朔月不得有

己丑而在戊午丁卯中非己未卽乙丑之誤

代崔宏禮爲東都畱守

沈本宏禮下有以宏禮三字

乙巳郭釗奏蠻軍抽退 沈本作己巳張氏宗泰云據上丁卯下
辛未當作己巳

以中丞溫造 字文鼎爲中丞 沈本兩中丞上俱有御史

文宗紀下

四年

辛卯武昌軍節度使牛僧孺來朝 沈本作辛己 按辛卯不當
在丙戌前通鑑作辛己

以武昌節度使 沈本昌下有軍字無使字 按冊府四十與今

本同 鄂岳蘄黃安申等沈本無等字 按冊府等下有州字

以尙書左丞杜元穎 沈本杜元穎作元稹 張氏宗泰云元穎

已於三年貶循州司馬六年書循州司馬杜元穎卒當據五年

八月庚午所書改正

以前陝虢觀察使王起爲左丞 沈本左丞上有尙書二字

以左丞溫造 沈本左作右右丞上有尙書二字 爲興元節度

使沈本元下有尹山南西道五字

三月乙亥 張氏宗泰云乙亥下當有朔字 按通鑑有朔字

爲華州刺史 沈本刺史作鎮國軍使

爲東都畱守 沈本脫爲字

使兆庶昧於恥尙也 沈本尙作讓 按御覽百十冊府俱

作尙 其何以足用行令冊府行誤刑御覽作行 主者宣示

沈本示下有中外二字御覽冊府俱無此二字

每歲於西川織造 冊府四百八十四西川上有劍南二字

以守司徒 沈本徒作空

以吏部侍郎王播爲京兆尹兼御史大夫代李諒 沈本播作璠

爲桂管觀察使沈本爲上有以諒二字是

丙辰鄜州水沈本誤作丙寅

前豐州刺史天德軍使渾鐵聞本鐵誤城張氏宗泰云鐵乃城
第三子事見本傳

爲太常卿代崔羣爲吏部尙書沈本羣下有以羣二字是

不暇面論冊府五百六暇作假是

滄州殷侑請廢景州爲景平縣張氏宗泰云地理志滄景二州
下無景平縣事具會要七十一景州下云太和四年十二月滄
州觀察使殷洎奏廢爲景平縣從之錄以備考

湖南觀察使韋詞卒沈本詞作辭是

代王播爲尙書左丞沈本播作璠璠下仍有以璠二字是

廢景州其縣隸滄州刺史沈本無刺史 按上文請廢景州爲

景平縣此云其縣隸滄州疑有脫誤

湖南等道 沈本無等道二字

五年

己丑以權知渤海國務 沈本作乙丑張氏宗泰云上有己未則

同月不得有己丑

伏奏王階 沈本王作玉是

凌鏞按此條在庚子條下

庚子詔貶宋申錫 沈本庚子_上有三月張氏宗泰云庚子三月

二日

左庶子宋申錫 張氏宗泰云依新紀及上庚子所書左當作右

本傳亦作右

仆於地 沈本仆_上有身字

用戒時常 沈本常作君 按英華亦作常 先朝舊制聞本無

先字

以幽州盧龍 沈本龍下有軍字下同

五月戊戌朔太廟第四室第六室破漏 冊府三十戊戌朔下有

辛丑宗正寺奏六字 有司不時修葺冊府修葺作興工有司

上有四月九日已具聞奏訖九字 右補闕韋溫冊府右作左

以宗廟之重爲陛下所私 聞本私作司

東川奏元武江水漲二丈梓州羅城 沈本梓上有入字

以太子少師分司 沈本無分司張氏宗泰云依本傳分司下有

東都二字

以河陽三城懷州節度使 沈本無懷州

鳳翔隴右節度使 沈本鳳翔上有鳳翔尹三字張氏宗泰云本

傳有鳳翔尹

荆襄鄂岳南東川 沈本南上有劍字是

六年

天下死罪囚除官典犯贓故意殺人外并降徒流 冊府九十其

天下犯死罪除官吏犯贓及故殺人者餘並降從流御覽百十

與今本同唯徒亦作從

京城內鰥寡癡殘無告不能自存者 冊府百四十七京城內有鰥寡

孤獨不能自濟瘡聾跛躄窮無告者

羣臣拜表上徽號 冊府十七辛亥中書門下及文武百官請上

尊號詔答不許

曹濮等州觀察使 沈本無等州使上有等字

賑米二十二萬石 冊府百七無下二字

是日雜戲人弄孔子 冊府五十是日雜戲中有孔子爲戲者

戊寅以新除武甯軍節度使李聽爲太子太保 張氏宗泰云按

寅當作申乃上辛丑辛酉中錯簡同一武甯軍節度使李聽以

辛丑除高瑀又以辛酉除二十日中連除兩節度當無此事此

必李聽以辛丑除後於戊申爲太子太保故高瑀又以辛酉除

也不然則三月辛酉爲四月辛卯錯簡 按通鑑李聽之前鎮

武甯也有蒼頭爲牙將至是聽先遣親吏至徐州慰勞將士蒼

頭不欲聽復來說軍士殺其親吏鬻食之聽懼以疾固辭辛酉

以前忠武節度使高瑀爲武甯節度使則辛酉二字非誤旣以

高瑀代聽乃以聽爲太子太保耳亦非辛丑辛酉中之錯簡

中丞字文鼎 沈本中丞上有御史二字

今長史奏申 沈本史作吏

以太傅趙宗儒 沈本太傅上有太子二字張氏宗泰云據本傳

補

冬十月庚子朔 沈本作庚申是

珍王誠囊 沈本誠作誠 按通鑑亦作誠 胡注新書作誠 誠德

宗子也

丁未以前西川節度使 沈氏炳震云是月無丁未 張氏宗泰云

上有乙亥 此當作丁丑

責授循州司戶 沈本戶作馬是 贈湖州刺史張氏宗泰云本

傳湖作湘

七年

正月乙丑朔 沈本作己丑

故書吳蜀貢新茶 沈本書作事

乙亥以太府卿崔瑛 沈本作己亥 張氏宗泰云己丑朔月不得

有乙亥而在甲午壬子中非己亥卽乙己之誤

京兆府賑粟十萬石河南府河中府絳州各賜七萬石 御覽十

五無河南府英華有

以新除嶺南節度使崔珙 冊府百二上有甲寅

準令國忌日禁飲酒舉樂決罰八吏都無明文 英華作準令國

忌日惟禁飲酒舉樂至於科罰人吏都無明文 起今後從有

此類英華從作縱

安南奏蠻寇當管金龍州當管獠國赤珠落國同出兵擊蠻敗之

聞沈本獠上有生字 按冊府九百九十五安南奏蠻去年十二

月三十日於界內金龍洲下營當管生獠國出兵殺賊千餘騎

赤珠落國亦出兵助討

張元夫汝州刺史 沈本夫下有爲字

檢校司空竇易直卒 聞本直誤質張氏宗泰云竇易直有傳

以同州刺史吳士智 沈本智作矩張氏宗泰云依狄兼謨傳當

作士矩

以吏部侍郎高鉞 沈本鉞作鈇張氏宗泰云高鉞有傳

以工部侍郎李固言爲右丞 沈本右作左左上有尙書二字張

氏宗泰云此據本傳改之然按楊嗣復傳七年三月起爲尙書

左丞七月爲劍南東川節度使職官志尙書左右丞各一人嗣

復旣以三月爲左丞固言不得於三月爲左丞矣本傳誤

壬子以河南尹白居易 沈本作壬午張氏宗泰云下有甲申此

當作壬午

爲歙池觀察使 沈本歙池作宣歙

愛登里羅汨沒使 沈本使作施 按通鑑作施

六月丁巳朔乙巳 沈本乙巳作己巳張氏宗泰云乙巳不當在
丁巳後下有壬申非乙丑卽己巳之誤

可同中書門下平章事 沈本可下有本官二字

敢忌咎責 沈本忌作忘 按御覽百十冊府百四十五俱作忘

戊戌以給事中崔戎 沈本作戊辰張氏宗泰云上有乙丑此當

作戊辰

八月甲申朔御宣政殿冊皇太子永 御覽百十五冊府八十脫朔字冊府八十

九朔下有庚寅詔文有八月七日昧爽以前語八月甲申朔七

日正得庚寅

應犯死降徒流 御覽百十五冊府九十死下有罪字徒作從冊府九十同

授緊望已上州刺史佐 冊府九十授緊望已上刺史上佐 宜

五經博士各一人冊府宜作置 廉直任人沈本直作眞冊府

直作貞任作化 並宜準太和六年十月七日勅沈本十作六
張氏宗泰云詔在六年六月戊寅乃十七日七上當有十字

按張說是冊府六十正作六月十七日 如有固違冊府作如
故違制度

九月甲寅朔丙寅 沈本作丙戌誤通鑑作丙寅 侍御史李欵

張氏宗泰本欵作欵而疑欵字由下文推劾情欵致誤 按聞
沈各本皆作欵別無作欵之本張說誤通鑑亦作李欵

甲寅以前忠武軍節度使王智興 沈本作甲戌張氏宗泰云上
已書甲寅朔此誤而上承丙寅下接十月癸未朔非甲戌卽戊
寅之誤

起自近遠 張氏宗泰云遠字誤於文義當作代 按冊府卷二

正作代 源乾曜冊府作宋璟 頗爲得禮沈本禮作體 按

冊府作事頗得宜

辛酉潤常蘇湖四州水 沈氏炳震云是月無辛酉誤張氏宗泰

云辛酉不得在壬辰癸亥中非丁酉卽辛丑之誤

刑部詳定大理丞謝登 冊府六百十三大理上有前字

天平軍節度 沈氏炳震云天平當作平盧

八年

甲寅上己 冊府百九己下有節字

徧告神主復正殿 冊府三十復上有却字

以旱詔諸司疏決繫囚 冊府百四十五詔載全文

同州刺史高鉞卒 沈本鉞作鉞

癸亥覃王經薨 沈本作癸卯誤覃作郊 按通鑑作郊

以右金吾衛大將軍段百倫 沈本百作伯

堂帖中外臣僚各舉善周易學者 冊府五十 堂帖中書門下御

史臺尙書省諸道節度觀察使置 疑當 令各舉解周易一人

第三男漢可封臨川郡王 沈本漢作演川作安是 閣本考證

云據憲宗二十子傳改 故淑王大男湧沈本淑作洋湧作沛

祁王大男溥沈本祁作酈 以上均據本傳改

九月乙酉朔 沈本作己酉

宣州觀察使 沈本作宣歙

庚申右軍中尉王守澄宣召鄭注對於浴堂門仍賜錦綵銀器是夜彗出東方長三尺輝耀甚偉 張氏宗泰云新書鄭注傳無

日此與本書之傳同然有誤以傳之例本不書日此申當爲戊爲己酉朔下之錯簡卽辛亥之前日也前云西北行卽是出東方考辛亥後九夜乃庚申之夜故新志云庚申不見又九月十

二月庚申日在亢八星滅於郎位西五尺是在日前三十餘度亦爲東方若如此條則是同夜一彗在東方滅一彗又在東方見必無是事而此書天文志庚申下亦有之大抵此書舊無善本必是校者誤據本傳增入故紀志同不知傳之所書光耀甚繁卽前所書之長丈餘西北行者但改丈餘爲三尺耳彗字雖無行度可據而因文考義考證家當自知之 按張氏謂校者誤據本傳增入極是謂申當爲戌爲己酉朔下之錯簡猶涉騎牆舊紀庚申當爲辛亥之誤通鑑九月辛亥徵昭義節度副使鄭注至京師是鄭注以辛亥對於浴堂門而彗星卽於是夜出東方也

辛巳幽州節度使楊志誠 沈本上有冬十月 按新紀及通鑑

俱作冬十月辛巳

以前揚州節度使温造 沈本揚州作河陽張氏宗泰云據上五年八月壬申下所書當作河陽

己卯幽州節度使楊志誠 沈本作乙卯張氏宗泰云據上癸丑下乙亥當作己卯

以通王爲幽州盧龍節度使 沈本盧龍下有軍字又云通王下闕名張氏宗泰云據會要通王下有諶字楊志誠傳作通王淳誤

以權勾當幽州兵馬史元忠 沈本兵馬下有使字是

甲申許太子太傅蕭俛致仕是夜月掩昴 張氏宗泰云據兩志是夜當作丙戌丙戌十二月十日月行自昴三少至畢四半

九年

己卯以鎮州左司馬王元逵 沈本作乙卯張氏宗泰云己卯非

丁未朔月所有在癸亥前非己酉卽乙卯之誤 按通鑑作乙

卯

以前棣州刺史田旱 沈氏炳震云新書作田羣

辛丑冀王綵薨癸卯京師地震 張氏宗泰云新紀辛丑作辛亥

癸卯作乙卯俱在三月而地震兩志同作三月乙卯

劍南節度使西川 沈本西川在劍南下是

庚申以劍南東川節度使楊嗣復 沈本庚申上有三月 兼成

都尹沈本無兼字 西川節度使沈本西川上有劍南是

以新浙西觀察使 沈本新下有除字

廢樓觀城四十餘所 沈本城下有門字

庚寅夜月掩歲 沈本歲下有星字據新志補

壬辰詔以銀青光祿大夫 沈本作壬寅張氏宗泰云據上丁酉

改正

秋七月甲申朔 沈本作甲辰 按通鑑作甲辰 爲虔州司馬

沈本無爲字

修紫雲樓 沈本樓下有彩霞亭張氏宗泰云據下十月乙亥所

書補

再貶李宗閔爲虔州長史 沈本無爲字虔作處下同

爲邠州刺史 沈本無爲字下遂州洋州同射州潘州潮州江州

同邠作汾張氏宗泰云本傳初貶爲邠州刺史及宗閔再貶漢

亦改汾州司馬是爲刺史時尙當爲邠傳之所言再貶或指宗

閔爲潮州司戶時 按通鑑作汾州刺史本傳汾誤邠沈本是

通鑑下又云漢汾州司馬澣遂州司馬是由汾州刺史再貶爲

汾州司馬也

以鄆坊節度使李章 沈本李章作史孝章據本傳改

宗閔黨楊虞卿李翰 沈本翰作漢

退迹者咸後時之夫 冊府六十 咸作成 理鬱未平冊府未作

和

以汝士爲駕部侍郎 沈本駕作兵張氏宗泰云本傳九年九月入爲戶部侍郎駕當作戶

乙亥以涇原節度使 沈作乙卯張氏宗泰云據上辛亥下庚申此當作乙卯

襄州監軍 沈本監軍下有使字下徐州監軍同
賜緋魚袋李順 沈本順作訓

杜棕復爲陳許節度使 沈本陳許作忠武軍

曲江四岸 冊府十四 岸作面 故爲樓殿以壯之冊府壯作臨

御覽

百十作壯

壬午賜羣臣宴於曲江亭

冊府

卷二

慶成節詔宰臣及文武百

官慶成節赴延英殿庭奉觴稱賀禮畢錫宴於曲江亭

按冊

府此條前載八年九月敕慶成節宜令百寮詣延英上壽仍令太常寺具儀注聞奏仍准上巳重陽例於曲江亭錫宴本紀皆畧而未載

以前廣州節度使

沈本廣州作嶺南

乙酉左金吾衛大將軍

沈本作己酉

按丁未癸丑之中不得

有乙酉

尚書左僕射

沈本無尚書左作右

以本官沈本無以字

癸丑太子太保張茂宗卒

沈本作癸酉

甲子敕左右省起居齋筆硯及紙

沈本作甲戌無及紙二字

上御紫宸 沈本宸下有殿字

權知京兆 沈本兆下有尹字

侯宰相入朝 冊府六十侯作充 及建福門退冊府退上有而

字

開成元年

宰臣李石奏曰 冊府五十李石上有鄭覃奏作進 人情大悅

冊府作中外置謚 又停四節進奉冊府停下有天下二字三百

四節下有度字非 不欲崇長空文冊府五十下有覃曰在守

之而已七字

丙辰望日有食之 沈氏炳震云是月辛丑朔則丙辰爲十六日

天文志但云十五日無干支則又當爲乙卯而新書之食又在

朔日未知孰是張氏宗泰云日當作月天文志亦誤新紀於朔

書日食當以望非月食之期而改之於朔然月朔實不日食詳

見天文志疏正

因賦暮春喜雨詩

冊府

四十

載其詩風雲喜際會云云

五月乙亥朔

沈本作己亥是

代嘏

沈本嘏上有承字

請依王府官例

冊府

七百

例上有品秩二字

丙寅昭義奏開夷儀山路

沈本作丙申誤昭義下有軍字

使貸貧下戶征稅

張氏宗泰云貸當作代

壬午以滁州刺史李德裕

沈本作壬辰張氏宗泰云據上辛卯

下甲午當作壬辰

爲太子賓客沈本下有分司東都

丙申湖南觀察使盧周仁進羨餘錢一十萬貫御史中丞歸融彈

其違制進奉詔以周仁所進錢於河陰院收貯

張氏宗泰云

閏五月己丑朔己書湖南觀察使盧周仁進羨餘錢二萬貫雜物八萬段不受還之使代貧下戶征稅不應至七月丙申方五十三日又有進奉今據兩書歸融傳乃是一事誤書爲二但傳作請還湖南代貧下租稅詔不從於河陰院收貯以備水旱此紀分書之稍與傳岐又上所書二萬及八萬正合十萬之數

甲戌詐稱國舅人 沈本作甲辰張氏宗泰云據在戊戌戊申中改正 按通鑑作甲辰

仍以其子慎徽爲臣固尉 沈本臣作城是

浙西觀察使李暉卒 沈本李作崔張氏宗泰云據太和九年七月辛酉下所書當作崔

爲武甯節度 沈本甯下有軍字

二年

宣州觀察使 沈本作宣歙

以吏部侍郎崔鄂 沈本鄂作鄆張氏宗泰云當依本傳改正

畧序曰 冊府四百八十六作其表畧曰 至德乾元之後冊府至德

上有起自二字 節度二十有九冊府度下有者字

戊申王彥威進所撰唐典七十卷起武德終永貞 按冊府五十一

二月甲辰王彥進准宣索內典目錄十二卷另一事

三月甲子朔內出音聲女伎四十八人令歸家 冊府四十一作二

月甲子誤

使慙庶彙 沈本使作俯是冊府八十作俯彙作類御覽百十彙

作衆 主掌錢穀賊盜冊府作並主掌錢穀之吏計較盜竊者

夫道大爲帝冊府作夫道大爲皇德大爲帝是 表已在路

並宜速還冊府表上有如字速作却

丁卯宰相李石奏定長定選格 沈本作乙卯張氏宗泰云己酉

庚申中不得有丁卯非乙卯卽丁己之誤

太原節度使 沈本作河東

蓬州復置蓬池二縣 沈本池下有朗池二字張氏宗泰云依地

理志補

詔以前淮南節度使 沈本無詔字 爲檢校司空沈本無爲字

以後似此不復出

丁亥以御史中丞 沈本作丁巳張氏宗泰云癸巳朔月無丁亥

而在庚戌壬戌前非辛亥卽丁巳之誤

乙亥以久旱徙市閉坊門 冊府百四十五以久旱移市開坊市南門

開當作閉

詔除河北三鎮外諸州府不得以試銜奏官 冊府六百三十一 諸道

有以試御

當作

奏授州縣官者帝於閣內謂宰臣曰每年選人

辛勤用苦尙無缺負與之試銜奏授不可輕許唯河北道吏部
不注許其奏請繇是四方之倖人暫息

以蝗旱詔諸司疏決繫囚 沈本作以旱蝗 外州李紳沈本外

作汴是張氏宗泰云據元年六月癸亥所書當作汴

言揚可封汜王 沈本汜作紀張氏宗泰云新紀作杞亦非

乙丑房州刺史 沈本乙丑上有九月張氏宗泰云乙丑九月五

日

以湖南觀察使盧行術爲陝虢觀察使 聞沈本以下有前字是

殿本空使盧以下七字張氏宗泰云據下三年二月丁未所

書行字衍

天下錫宴 冊府 卷二 錫作賜 於曲江會冊府會有宴字

詔嘉王通循王通通王諶並可光祿大夫 沈氏炳震云新書德宗紀及兩書諸王傳嘉王通皆貞元十七年薨循王通雖無薨年然考代宗諸王唯原王逵薨於太和六年餘則未有在文宗朝者此疑有誤張氏宗泰云嘉王薨在開成三年八月己亥兩紀同而新紀前於貞元十七年末云是歲嘉王薨與後所書岐因檢兩傳嘉王運下恰是貞元十七年薨而上書韶王暹貞元十二年薨下書端王遇貞元七年薨三貞元字並而上作十下作七此必舊傳嘉王運下偶有脫蝕而不知者遂聯合上下行字以實之新傳遂不考而仍之然本紀仍於三年八月書薨則後之所書不誤前之書於貞元十七年者當又是校者不考傳誤而補之耳 按冊府三十通王諶作孝王通又冊府五百載詔給嘉王運等料錢事舊紀此條不誤沈氏反以三年書嘉王

運薨爲誤非也

依前同門下侍郎平章事 沈本同字在平字上

宜行期周 冊府百六期作杖是周卽期也

三年

戊申以諸道鹽鐵 沈本作戊辰張氏宗泰云據上乙丑下丙子

當作戊辰

朝議郎戶部侍郎 冊府七十朝議郎下有守尙書二字

盧行術行術爲福王傅 聞沈本盧上有代字無行字下行字作

以

乙酉禮部尙書 沈本作己酉張氏宗泰云據上丁未下辛亥當

作己酉

詔前江西觀察使吳士規 沈本規作矩

月犯天心大星 沈本無天字是

六月丁未朔 沈本作丁亥是

辛酉出宮人四百八十送兩街寺觀安置 沈本作辛卯張氏宗

泰云辛酉不得在丁亥癸丑中非辛卯卽辛丑之誤 按當作

辛亥冊府四十二 六月辛亥遣中人監宮人四百八十人送兩街

寺觀安置令其親族識認還之

對宰臣曰 冊府五百一 對作問 法變則擾人冊府作變法卽必

擾人下有李珣請禁銅器云云舊紀摘其二語以爲嗣復之辭

鄂岳蘄黃道 沈本道上有等字

命中人以酒醕仙韶樂 冊府卷二 韶上有並字醕作脯

以左金吾將軍郭旼 沈本吾下有衛字

是夜彗起於軫其長三丈東西指 張氏宗泰云東字衍

是夜彗字東西竟天 張氏宗泰云按彗之見夕則東指朝則西

指是年十一月二十七日冬至十月乙巳當二十一日在冬至

前三十七日十一月朔在冬至前二十七日日宿自心三至尾

八新志乙巳作有彗星於軫乙卯作在尾箕東皆在日前當西

指若更東指則更與日連光矣此由校者不知志之西亘天自

爲句不連上東字讀而誤爲東西亘天故於兩日俱增東字誤

應京城諸道見繫囚自十二月八日已前死罪降流已下遞減一

等 沈本流下重一流字是十二月作十一月張氏宗泰云壬

戌十一月八日 按御覽百十罪下有並字降下有從字流下

重一流字冊府百四十五作京城百司及諸道州府十一月八日已

前見禁囚徒未經勅斷者犯死罪並降從流已下遞減一等

義武軍節度北平軍等使 沈本無北平軍等四字

可守司徒 沈本無可字

罷太子太師 沈本無罷字

四年

三宮太后諸公等畢會 沈本公下有主字 按冊府三十三宮

太后及諸公主並赴宴

宜奪兩月俸錢 冊府五十六俸作賜

二月癸酉朔 沈本作癸丑是

癸酉浙東觀察使李道樞卒 沈本作癸卯張氏宗泰云上有丙

申此當作癸卯

以右羽林統軍李昌元 沈本元作言是

五月辛丑朔 沈本作辛巳是

夷行爲吏部侍郎 冊府三百三十三爲作守

魏博易定等管內 沈本無下三字

以長武城使符徹 沈本徹作澈是

乙未夜月犯熒惑 張氏宗泰云天文志作辛丑是辛丑七月二

十二日

以刑部侍郎高錯 沈本錯作錯

以大中大夫 沈本無上大字

郟王經薨 沈本郟作鄆經作懔張氏宗泰云依本傳改 按通

鑑亦作鄆王懔

以諫議大夫馮定 沈本定作審

賜羣臣宴於曲江亭 沈本無亭字

辛酉夜星入斗魁 沈本星上有辰字斗上有南字張氏宗泰云

志作戊午星上脫辰字然非入斗當作入箕十月十日冬至前

二十八日日在尾六半若入斗則在去日二十四度外矣以辰星行度考之乃順遲十五日由尾十四半行十度少當日東十八度少在箕六太十一日箕七半前留十三日辛酉夕伏是辛酉當爲戊午

前桂管觀察使嚴審卒 沈本審作譽

壬申前福建觀察使唐扶卒 沈本作壬辰張氏宗泰云據下己亥定爲壬辰音近而誤

五年

詔立親弟潁王暹爲皇太弟 冊府二百五十七 詔載全文灑作炎

按炎乃六年所改者此當作灑通鑑作灑

史臣論 故事天子隻日視事帝謂宰輔曰朕欲與卿等每日相見其輟朝放朝用隻日可也 冊府五十 故事隻日皇帝視朝

其雙日百官但奉朝請退帝既勤於爲理其後欲與宰相間日
論政或當放朝輟朝皆令用雙日

中書用鴻臚卿張賈

至

而無妨也

冊府

百五十八

此事在太和四年

七月

舊唐書校勘記卷八